

ሓምድ ዋርሳይ

ዐብደላ መ/ዐሊ (መዐልም)

ኤረትሪያ ሓዳስ

ሰኖታት ክምሰል ክታር አስር አድሕድ ልቴለክ ዐለ። እድንዩ ምን ዶል መትከላቀ አስክ ናይ ደንጎበ ካትመተ ዛልም ወዝሉም፡ ሓይስ ወሐምቅ፡ መንበ ወገብር፡ እት እንተ ሄራረ ተአታላሌ ህሌት ወዐለት። ገቢል ኤርትራያመ እብሊ ለእግሉ ዘከርነ ሸንርብ ዝልም ወጨቅጥ እት ክል ግም ምን አግማመ ዕላመቱ ባይነት እት እንተ ትትርኤከ። እግል ኖሶም “ሰኒ መንባነ፡ አይወ ሓይሳምነ፡ ሴምዐት ሕነ ወጥይዐት፡ እግላ እንቱም ትቡለ ወትሐዝወ” እት ልብሎ “ሔክመትነ ወሚርሐትነ” ልብሎ ለዐለው ሕካም አቶብዩ፡ እግላ እብ ነባሪሁ ወሰዋልፉ ለልትሐበን ወእግል ዝልም ወቀሽ ለኢልትበገስ ገቢልነ፡ ወእብ ቅልጭሙ ወወሕደቱ ለነብር መሳልም ገቢል ኤረትሪያ እግል መናቢቶም እት ልትገበሮ እግላ ሕር ወላጼሕ ገቢል ህውዮቱ ወወጠንዮቱ እግል ልሸርትኮ ወሰረፍሪፈት ሊደወ መትገናቦዮም ኢወሐደ።

ምን ዮም ኢኮን ወማሌ አብዕቦታትነ ጸንሐውነ ወአበውነ ዐረዎም እት ደጉመ ወአዜ ሕነ እብ ክልኤ ዕነ እንርእዮም ወእብ ክልኤ እዝነ እንሰምዖም ህሌነ ቴለል ዮቂን ቱ!!። በዲር ልብሎ አብዕቦታት ወአበው እግላ ሐልፈ አውቃት እት ለሓኩ ወወስፎ ልትሰምዖ እት ህለው “ለእግሉ ሓለፍነ ሰኒን፡ ሰኒን ሰካብ ወጽጋብ ህያብ ወንሰእ” ክምሰል ዐለ ደግሞ ነብረው። “ሐሬ ላኪን መስትዕምረት ክምሰል አዝሀረው ላቱ ላመ ጠብዐት ኬይራተ ወፈርያተ እት ከልኡ ወልውሕድ ወነቅስ መጽአ” እንዴ ልብሎ እት ደግሞ ልትሰምዖ ዐለው። እብ ፍንቱይ ምን አርበዓታት ሕምሳታተት ሸንርብ ዌረት ወጭቁጣቶም እት ዘይድ ወወስክ ክምሰል መጽአ ለሓኩ እግልነ ዐለው። እት ሰሳታት ክምሰል በጽሐ ዓለብ ሰኖታት ህዩ፡ ምስል ምጽአት ምስትዐምረት አቶብዩ ዝልሞም ወወራሮም እብ ዐስር እዴ ክምሰል ወሰክ ሕናመ ጌሌነ ናይ ማሌነ ፋቀዲቶ እት ገብእ፡ ገሌነ ህዩ፡ መዳግም ማሌነ ወዮምነ እት እንቱ ነሐልፉ ህሌነ ወእነብሩ ዐልነ። ወቅት ስታተት ገቢል ኤረትሪያ መግዘም ዌረት አቶብዩ ሰበት አሸንረቦዩ (ጸዖት) ሕርያኑ ወከያሩ እግል በሊስ ስያደቱ እት ቅልጭሙ ክምሰል ገብእ፡ እምበሌህ ካልእ ሕርያን ይዐለ እግሉ። እግል እሊ ሕርያን እሊ እግሉ ለመረሐ ልግበኦ ወለ ዋጅቦም ወጠኒ ለለአወፉ ሜሔርበት አስክ አካን ግድለ ነጌብ ፈግረው። እት ፈጅር ሄለል ሰብተንበር ሰነት 1961 ህዩ ምድጋሁ ወብርሃኑ እት ደብር አዳል ከረው እግሉ። እለ ግድለ እለ ለእብ አብዐሸረ ትንቡረት ለከሬት እብ ድመለ ቃልያም ወላድ እለ

አርደት እግለ ክሉ እሊ ሕቡሉክ ተየልል እንዴ ትዐደ ወባልሐት እት ሕርየት እግል ልብጸሕ ቀድረ። እተ ሰላሰ ሐል ለእግል ረኪብ ሕርየት ሐለፍናሁ እግል ልትደገም ለኢቀድረ ቃሊ እስትሸሃድ ምስል ልጁእ ወክል ክርበት ሐዶት እንዴ ሐለፋቱ ገቢልነ እትለ ለምን ኢጅለ ክል ስድት ወጭዊት ምን ድገለብ አስክ ድማን ዐብደለ መሐመድዐሊ፡ሸሂድ ሓምድ ቀይሕ፡ ሸሂድ ዑስማን መሐመድ ዓሊ፡ሸሂድ ኣድም መሐመድ (ኪና) ማዕርነት ሰረቕ ሸሂድ ሓምድ መሐመድ ዑመር (ሓምድ ቀይሕ፡) 1ይ ክፈል ለከህለ ከእግል ምራዱ ለበጽሐ። እሊ ሐዳይ ምን እግል መኣተዱ ለገብእ ቱ። ዓለብ ሰኖታተ 1977 ለአርኤ ዐለ፡ ሚዛን ሒለት ሰውረት 80% እት ሐንቴ ሰውረት እት ልትደለል ገይስ ዐለ። ብሻረት ተሐሪር ምድን ወብሩር እብ ቅሮረ ለአንበተ እግል ዓስመት አስመረ እንዴ ሐሰረ ፍግረት አርወሕ ዌረት ምን ሕልቅም ውጾ ለትጸበር እቱ ለዐለ አውቃት ቱ ለዐለ። ሸሃደቱ ቲቢን ወኢቲቢን ህዬ ብዞሕ እት ሀላግ ለካሬ ቴለል እንዴ ገብእ ለልትርኤከ ኢኮን።

በስ” ለምህም ጋር በትኩ አርየሞቱ ለዐለ። እትለ ለእግለ ዘከርነ ሰነት ዎሮት መዋጥን አቡነ መሐመድ ወድ ዕመር ለልትበህል እት ፍንጌ ገብገብ ወአፍዐበት እብ ርዕዮ ወሐርስ ላልትናበር ለዐለ፡ ምን ክልኤ ለአንሱ ሓቴህን ሕጻን ወልደት። እሊ ሕጻን እሊ አምዕል ስማየቱ፡ ምን እግል ልትሰሜቱ? ኣብ ፍላን እንተ? እንተ ኢለበሉከ” እት ልብሎ ሐቆለ ትሰአለዉ ሐው ወፈተቹ። “ሓምድ ቦሉ ሕሙድ ዮም ወፈንጎሕ ልግብእ ወልዬ ሓምድ!!! እላተ ሓለትነ ምን እቱ ዐልነ ተየልል ወለ እብ ወሪድነ ጸብጥነ ለዐለ ዌራይ እብ ወሪዱ እንዴ ጸብጠ እት ሓለት ፍራቅ ወፋራጽ ባጽሕ ለህለ። እሊ እሉ ትርኡ ቱ ዮም ወፈጅር ልብል ለህለ። “ጀለ!!! በደል ሕነ እንፋርጽ ዐልነ ህቱ ፋረጸ ዐሮ!! ወዳዩ ክምስል ሐዛቱ ሞላይ። ወሀ ጀለ ጀላሉ!!!” እት ልብል እብ ተፍኪር ወትዐጅብ ሸዑሩ እብ ስሜት ወልዱ (ሓምድ) ሸርሐ አቡነ ሐሙድ ወድ ዕመር። ስኒን ክታሩ አተላለ ሓለት መትወቃል ወመትቀዳም ሰውረት እት ወድነ ቅታል ወዐስከሪት እት ወቅት ሐጨር ካልእ ሓለት ትቀየረት ምነ። ሚዛን ዐስከሪየት አስክ ዌረት አቶብዩ እት ልትደለል መጸአ። አቶብዩ ክትል መዐስከር እትሓድ ሶቪት ገብአት። “ሰኒ” ‘ሰኒ” ልብሎ ቂመት ሰኔት ለኢለአምሮ ዌረት ወዜምተት ሕካም ክትልክም ህሌነ” እተ አውቃት ለህይመ መንባነ ወክትልነ እት ልብሎ ክሉ ዴራይ ሐጻይን አርበ እት ረአስ ገቢልነ ጅምዐው። መናበረት ገቢል ረአስ ሐር እግል ትሐናክሽ ወትሸሐግ አስተብዴት። ሐምቅ ሰአየት እንዴ በትከ፡ ገሌ ምን መስለሐት ገቢል እት መስለሐት ርሐ ትከሰአ። ገሌመ እምበል ቡቲክ ሰአየት ዕንዳቄሁ እንዴ ሰደ ሄራሩ እግል ግድለ ገቢል አተላለ። ሰር ህዬ ፍንጌ እለ ወሌሀ ሕኑይ እት

እንቱ እብ ሽዑር ሕዩር ተወው ቤለ ክብጥረት በቲክ ሰአየት በጥረ። ከምን ቀደም ክርበት የም እት ለሓልፍ ረሀየት ፈጅር ክምሰል ይህሌት ትርኤቱ። ወቅት ላኪን ምስለ ዘልመ ክእብ ጭዊት ፍርዱ ለአተቅርድ ለዐለ እንዴ ኢብጥር፡ ወምስለ ዝሉም ለዐለ ከሰአየቱ ምን ፈጅር እንዴ ኢደሌ እንዴ ኢብጥር፡ የም ሂራሩ ገብአ፡፡ ጽልመት ወጥልም እት ረአስ ረአስ ረዋሺን መናቢት ገብአየ፡፡ በርሀት ወሐቅ ምን ዐግሎ መሐበር ዐድ ሐው መስከበን አጨንበየ። አምዕል እብ ላሊ ትበደለት። ሰአየት እት አካነ ሕላሌ ሐድረት።

ሐሰት እት ረአስ አማን ትሸየመት። ሰላም በዴት ወብቆት እት ሸፍር ገቢል አጣፈፈት ወአማደደት፡፡ ጊስ ወብጽሕ ምን ካርጠት ኤረትሪየ ክምሰል የዐለየ እንዴ ገብአየ፡ ምን ልብ ክል መዋጥን ሰርተየ። ብካይ ወሸቀላት መስከበን እብ ረስሚ እት ደሚር ክል መዋጥን ኤረትሪየ ትሸየመየ። ርዕዮ ሐርስ ምህሮ ክለ ለእግል ተጠውር ወመትቀዳም ለትነጸፈ ድሩሪያት ሐያት እንዴ ሰርተት ወበዴት ከክምሰል ምን ኬን አብሐር ለትዐደየ ገብአየ። ገቢል ላመ ስሜተን እግለ ሐሬ ትወለደ አግማም ክምሰል ከያል ሌጠ ገብአየ ከጸንሐያሁ። ፍርት ምን ምውዓለ ይዔረት ወዓይረት ምን ከሌበ ኢትከሰአት፡፡ ክለ ለሓለት ዲብ አድሕድ አደርወጠት። እለ እተ ነሄርር ለህሌነ ምድር አቡነ ወአብዕቦታትነ ክምሰል ኢናይነ እንዴ ገብአት ሰላም ወአማን ትፈንተያሁ። መርባትነ እግል ነአቅስን ወሐዲስ ግም ሰላሙ እግል ትድመን ለእተ ወቅት ለህይ ሸባብ ለዐለ ጁል መንገአት ሐዉ እግል ልድበእ ሰይፍ ወገለብ ሐው እንዴ ተዐንደቀ እግል ወጠኑ ገለብ ወሕጌ እግል ልግበእ ነወ ወትበገሰ። ቀትለ ወአስተሸሀደ። አቡነ መሐሙድ ወድ ዕመር ሐምዴ እት ስድት ወረሀየት እግል ረቢተ እንዴ ኢኮን ለዐውቴታተ ወቅት ለህይ ወሰላሙ መጽአተ ወበዳህ አሕድ መስለየ እቱ። “ሂየእ! አናቱ ገብእ ለእብ ከያልዩ ሰከርኮ ወለ በዲሩ ለእግሉ እንርኤ ለዐልነ ዐውቴታት ሕልም አደሓነ ገብአ?” እብ ደሚር መትፋክር እግል አርወሐቱ ትሰአለ ወአስተንተነ። አነ ወድ ዕመር! እት ልብል ምስል ደሚሩ ተቀም ወዴ ዐለ አቡነ ሐሙድ ወድ ዕመር።

ላመ ወልዱ ለእብ መናሰበተ ፈርሐቱ ሓምድ ሳሚሁ ለዐለ ሸሐገ ወታከበ። ሰዐ ወአለንበ። ረአ ወሰምዐ። እኪት እብ ልቡ አትዋየነ ወሰኔትመ እግል ክል ዌድያይ ሰኔት ትምነየ፡፡ እብ ንእሹ ህዩ ተየልል ዝልም መስተዐምረት ጠምጥሙ አትዳወረ። ክል ዎሮት ህዩ ሸንሂቱ ወትምኔቱ ለእተ ለአሌሌ ሓጅት እተ ገብእ። ሓምድ ዋርሳይመ ለእብ ክልኤ ዕንቱ ረአየ ዝልም ዌረት ወለ እት ልትዳገም ሰምዑ ለዐለ አከይ ፍርዶም ሰካብ ላሊ ካልኡ እት እንቱ ለዐቤ ወሰዕትብ ዐለ። ናይ ክል ዶል ትምኔቱ ወሸንሂቱ ህዩ፡ እበ እት ፎቃይ ክል መቃትል ልርእየ ለዐለ ከላሽንኮፍ ደሙ እንዴ ከዐ ወአርወሐቱ ፍዘ

እንዴ ወደ ሐቅ ዐዳ ወለ ዝሉም ገቢሉ እግል ለአመርዴ ወለአርቴዕ ቱ ለዐለ ሽንሂቱ ወናይ ክል ዶል ትምኔቱ። አዜመ ወቅት ክምሰለ እግለ እንቤ ሄራሩ እት ለአተላሌ ሰፍሐት ሰጅላት እብ ክል ስልብያቱ ወእጃቢያቱ እብ መደጋግ ሰጅሉ ዐለ። ሓለቱ እግል ትትቀየር ሰኖታት ዐለበ። ለእት ወድነ ግድለ ለትጋየስ ለዐለ ቅታል ከፊት ማዛኑ አስክ ሰውረት እግል ትርጅሕ “አዜቱ ወቅትክም ወመደትክም” ትብል ለህሌት እት ተአመስል አስክ ሰውረት ርጅሐት ከፊት ትደለለት። ላመ እግሉ ዘከርነ መትቃያር ሓላት መአከይ ወኢመስኩበት እግል ሳሌሕ ገቢልነ ትምቡረት ሰላም ወአማን እበን በሸረት። እለ ብሻረት እለ እግለ እት ዮም ግድለ ምን ፈጅር ወአሰረ ሰአየት ለኢበትክ በዐል መስተቅበል ወፈጅር እት ሰአየቡ እግል ትብጸሑ ቀርበት።

ላመ ፍንጌ እለ ወሌሀ ጭቁጥ እት እንቱ ነብር ለዐለ። አዜ በል እቡል ለሀለ አተምሰለ ቱ። ክህቱመ ምስል በዐል ሰብር እግል ልትጸገዕ አስኩ አትቃመተ። ሓምድመ እብ ሐቴ ክልኤ ዕምሩ እት ለዐልብ ሰነት 1988 ወድ ዐስር ሐቴ ሰነት ገብአ። እግለ ምስል ወቅት አስክነ ልትደለል ለዐለ ሚዛን ሒለት ዐስከርየት ደሚሩ እት ፈትዩ እግሉ ሰዐትብ ዐለ። እሊ እብ ወዲቅ ወመደውሻሽ (ናደው እዝ) ላአስተብደ እት ሰነት 1990 እብ ዐመለየት ፈንቅል ተሌት። እለ ዐመለየት እለ እግለ ክልኤ ዐመልየት ወቀለተን። ሮሕ መዐነውየት ገቢል። ወፋርስ ሚሔርባይ ወመትቀዳም ጄሽ ሸዕቢ እት ወድነ ግድለ ትትርኤ ለዐለት መትወቃል እንትሳራት ሰውረት ወወዲቅ ንዛም ደርጊ ወብሸራት ዐውቴ ሰውረት እት ዐድ ወካርጅ ቃሎተን አስመዐየ። አቡነ ሐሙድ አዜመ እት ደሚሩ (ለአስበረ ማዩ ጨረ) ለትብል ሕክመት እት ደሚሩ እት ትትወስወስ እግሉ እብ ሐዲስ እበ እግል ሓምድ ወልዱ እፍጉረ ለዐለ ስሜት እት ልትሐበን እት ጣስሱ ወሻምሉ ልትርኤ ዐለ። ሓምድ ላኪን ንዩቱ ካልእ ዐለት። አክለ እንትሳራት ሰውረት እት ልትቀደም ረአተ ህቱ ሐዙቱ እንዴ ኢለአወፌ እግል ኢልሕለፉ ሰበት ፈርሀ እግል ዕምሩ አትማረረ። “የሀው!?! ሃዩ ዩያእ!! አነ ወድ መሐሙድ አነ!! አነ ምርትመ ዌራይ እንዴ ይእቀትል ሕርየት እግል ትምጽእ ቱ በሀለቱ!!? ላለእ እግል ምርት ሞድቅ ዐስከሪሆም ምንዲ እት ረአሱ ቅራር ሀግፍ እግል ወበደኑ እግል ኢልጸኔነ ሐዞቹ ኡፉየ ህሌኮ በሀለቱ” እት ለብል መስል አርወሐቱ ጀውጥ ልውዕል ወልትመዩ ዐለ። ላመ መቃትሊን ለምን ድዋራት አፍዐበት አስተብደው እብ ሐቴ ሰዕዮቶም እት ግንራራብ በሐር ቀየሕ እብ በር እት ለአተንፍሶ። እብ በሐርመ እበ እግለ ለትመስል ዐመልየት ምስል አምዋጅ በሐር እንዴ ተሓበረው። በሐር ቀየሕ ክምስል ስሜተ ለናሱብ እበ ቀይሕ ደሞም ሰበቀው።

መናድሊን አንሶም ወተብዑቶም ረአሶም ቀደም ሌጠ ገብአ ሄራሮም። እብላ ህዩ፡ ተሕሪር ዐመልየት ፈንቅል እግል ሚነት ወመዲነት ባጽዕ እት ሐንቴ ውላድ ርሕመ እንዴ ትገብእ። መሸነቀት እት ወሪድ ዌረት ወዜምተት ህዩ እት ጨብብ መጽአት። ዓስመትናመ አስመረ እብ ክል እንክረ ተሐየጠት። ጸሓይ ፈጅር ሕሪየት አምዔላት እት ተርፈ ምነ መጽአየ። ሓምድ ዋርሳይ ክምሰል ክል ኤረትሪ ፈርሐቱ ወቀርዱ እበ ሰምዑ ለዐለ ዐውቴታት እት ገብእ። ለመአበይ ሰምዑ ክርን መዳፍዕ ወቃዝፋት ወሐርብ ልትብል ዘዐት አክለ አሬመው ምኑተ እት ፈይግ ምንመ መጽአ፡ እበ እት ድሚሩ ለዐለት ድግልት ሸንሂት ወትምኔት “አነ ኢሻረኮ ወዋጅብዬ የአውፊኮ” ለልብል ሽዑር ከርስ ሳክብ ይዐለ። ንኡሽ ሰበት ዐለ ህዩ ሰካብ ላሊ ክልአየ። ወቅት ዎርት ህዩ “ደሐን አዜመ እት ዐማረ እንሻርክ እንገብእ? በክት እስትሸሃድ ወርፍዐት ከላሺን ኢልትረክብ እንዴ ኢኮን” እት ልብል ሰአየቱ እት ፈጅር ወፈጅራተ ወደየ ዐለ። እብሊ ሽዑር እሊ ሰነት 1991 ሕርየት እንዴ ጸብጠት ተለው ቴሉ እግል ሸዐብ ኤረትሪየ። አቡነ ሐሙድ ወድ ዕመር እበ ዝያድ ክሎም ውላዱ ለፈትዩ ሓምድ ወእብ መናሰበት ስሜቱ እት ልትሐበን በሻይር ሕርየት እብ ክልኤ እዝኑ ሰምዐዩ። “አይወ! አነ ወድ ዕመር አነ ውላድ ብዲሮም ለእግሉ ልትፈረረው ወለእቡ ለአትሳቅሮ ዳይ ክምሰል ለአወፉ ይቁን ዐልኮ። ክለ መዐነት ተ ዐውል ሐቆ ለትደፍዐ እት ክምሰል ትመጽእ ወቅት ሊሪም ወልሕጨር እመርቱ። በስ አድብር ሳሕል ወጋድሞታት ስምህር ወበርክ አስሌማይ ወክሱቴናይ ምን ደሞም እንዴ ሐጽበወ አምጽአወ እግል ሕርየት” እት ልብል ህቱመ ፈርሐቱ እብ ድሚሩ ወአፉሁ ሸርሐ ልትሰመዕ ዐለ።

እተ ለተለየ ሰኖታት ሸዐብ ኤረትርየ፡ ምን በሕ እንዴ አንበተ እግል ዐማር ሐዳስ ኤረትርየ ዕንዳቄሁ ሰደ። ንኡሽ ወዐቢ ህዩ፡ (ብእነ እተ አዜመ ዐድነ ግድም ሐልፈት እኪተ እግል ዐማረ ንታሌ) እት ልብል ሕበር ሰሰዐ ወሰንቀ። ላመ ምን ወድነ ሐርብ ለመጽአው መናድሊን ወቅያደቶም ተዐብነ ወትጀረስነ እንዴ ኢልብሎ እግል ተፍሪረት ሓሪት ዕንዳቄህም ሰደው። አቡነ መሐሙድ ወድ ዕመር ለእት ከርስ ወልዱ ሓምድ ድጉል ለዐለ ወጠኒያይ ሽዑር ሕቦዕ ምኑ ሰበት ይዐለ፡ “ሓምድ ግድም ጣይ አቡካቱ ሕርየት እብ ፈድል ረቢ ወእብ እስትሸሃድ ውላድ ሸፍር ዓይረት ሰበት ህሌት ዶር ናይክ ወለ አስርክ ለህለው ሐውክ ወአግማምክ ዕልምቱ። እት ጢሾ ዕልም እንዴ ትዐገልክም ሐዙትክም ንስእ። ዕልም እንዴ እብል ህዩ፡ ዕልም ዲን ወእዲነ። እግል እላመ እዲነ እምበል ሐዋን ወብቆዕ ምህር ኢትትነበር። ፈንጎሕ ህዩ ዮም አመት ሴፋሁ ለኢወደ እግለ ምን አየ ገብእ እግል ልትጸበር? (ለኢወደወ እት ህለው።

ኢረክቡኦ እት ሓሪት) ቤለ ለዘካሬናይ፡ እት ልብል እግል ወልዱ ሓምድ እግል ልድረስ ወልትዐለም እት መክሩ ልትሰመዐ ዐለ። እግል ምክር ዋልዳዩ ለሰምዐ ሓምድ አስክ ከልወት እት ለአውሀሌ ጅዙእ ዐመ ወትባረክ እንዴ ነስኦ፡ እት ጅዙእ ቀሰምዕ በጽሐ። ምን ቅዌትመ ቀርኦ ወከትበ። እሊ እንዴ ወዴ ላኪን አዜመ ለናይ ከርሱ ሽዑር ሓድጉ ይዐለ። “አነ በዐል በክት ይአነ። በዐል በክት ምንዲ እገብእ በዲር እንዴ ትወለድኮ ሐዞቹ እት ንዳል ወአውፊኮ” ለልብል መዳርካይ ሽዑር እት ክል ወክድ እግል አርወሐቱ ክምሰለ ኢበዐል ሴመ ክምሰል ገኔሕ ወድዩ ዐለ። ሰነት 1994 ሕኩመት ኤረትርዮ እግል ሰልፋይት ክድመት ወጠን አስክ ሳወ ነድኦት።

እግል እለ ተፍሪረት እለ ለሰምዐ ሓምድ ቀይሕ ሰኒ ፈርሐ እግለ። ሚ ዶል ህዩ ዕምሩ ምስለ ግርም ብጥረቱ እንዴ ትመሳነ ዐስር ሰማን በጽሕ እግሉ፡ እግለ ሰነት እብ ሒለት እግል ትሕለፍ እግሉ ልትምነዩ ዐለ። መርከዝ ትዐሊም ሳዋመ አወላይት ወካልአይት ክድመት ወጠን ሳርሐ። ሓምድ አዜመ አርወሐቱ መትከርዖት እግሉ አቤት። ሳመ መርከዝለ ተዐሊም ህቱመ መትዌናቅ ወንዩት ሓምድ ክምሰለ ዳሊሁ ለሀለ፡ እግለ ክልኤ ለደውረት አስር አሕድ ሳርሐዩን ምኑ። ሳመ አስር እለን ክልኤ ለደውረት እግል ትትከሬ ዶረ ትትጸበር ለዐለት ሳልሳይት ደውረት ክድመት ወጠን ወቅት ተብጊሰተ እንዴ ተምም መጽእ ዐለ። ምን ድገለብ አስክ ድማን ዐብደለ መሐመድዐሊ፡ ሸሂድ ሓምድ ቀይሕ፡ ሸሂድ ዐብማን መሐመድ ዓሊ፡ ሸሂድ አድም መሐመድ (ኪና)፡ ማዕርነት ሰረቕ ሸሂድ ሓምድ መሐመድ ዑመር (ሓምድ ቀይሕ) ዕለት 05/7/1995 አቅሊም ሳሕል እተ ወቅት ለህይ እሰልፍ ምስል አቅሊም በርከ ሳወ አተው። ሓምድ ምስል እሎም ምርት ዕዱ ክድመት ወጠን እንዴ ገብኦ ሳወ እብ ውቅልት መዐነውየት ምስል ታመት ንዩት አሌፍ ቤለዩ። ሓምድ ቀይሕ ጎኖበት፡ ደላግ ሐጅም፡ ፈላጅ አንዶብ (ፍትሃት) ሸልሸል ጭገር ብጥረት ረዖም ወመሓውት ሙልእ ወቀለጭም ትሩድ ለብኡ፡ ረቢ እግል ግርመት ለካነዩ እብ ከርስ ወበረ መስል እትከ እምበል ሐሰት ወአትራዛቅ። ህቱመ ለእት ከርሱ ለዐበ እግሉ ሽዑር ፈተ ዐስከሪት ወለ እት ሐንገሉ ለዐበ እግሉ እቢ ወክራህየት ዌረት ክሉ ክሉ መትፈንታዩ አበው። ዐስከሪመ ምንዲ ገብኦ ምን ክድመት ወኬን እት ልትገህፍ ልትርኤከ።

ክምሰለ ናይ በዲር ምናድል ክፉፍ ሰፊ ወገምባሌ እት ለአስር ዶል ትርእዩ “ሄዩእ!! ሚዶል ዐረ እቡ እንዴ ትብል ምስል አርወሐትከ ለአትፈክረከ ወለአትዐጅብከ። ክሉ ሀሙ ወዕኑቁ ህዩ ኮፎ እንዴ ወደ ክምሰለ ናይ በዲር ምናድል መስል ዐለት ለዐቤት ንዩቱ ወሸንሂቱ። ሳወ ህዩ ምን እት ስሪየትነ ለዐለው ሐዳም ወእብ ፍንቱይ ሓምድ ቀይሕ እተ ወቅት ለህይ እብ ውቅል

መዐነውየት ለሐላፊው ዎርት ህቱ እት እንቱ ዐለ። ገሌ ልትሰፍለል ወገሌ ለሐምም እብ ደሚሩ፡ ወሐምድ ላኪን እብ ክሉ ቀልቡ እግለ እቱ ዐልነ ዳይ እብ ክለ ኦርወሐቱ ክቡቱት ወከድም ዲቡ ዐለ። ሰኒ እንዴ ትፋጠንከ ሐቆ ገንሐካሁ ለንኡሽ ዕምሩ ወለ ህቱ ወድዩ ለኢልትመሳኔ እንዴ ገብኦ ልትሬኤከ። ላኪን እሊ ፍንቱይ ሽዑር ምስሉ ክምሰል ዐባመ እምበል ሸክ ልትበየን እግልከ። ላሊሁ ወአምዕሉ እግለ ማሌ ደረሰናህ አክል-ሕድ እንዴ የአንጀደየ ወየኡብሸለየ ሰካብ ኢነስኡ ወቅሳን። ተክቲክ ዐስከሪ ልግበእ ወለ ማርሻት ዐስከሪየት፡ ክምሰል ሐፍዛቱ አመት ምትክራሩ ለወዴ። ሕነ ላኪን እብ ህኮትነ ልግበእ ወትዑብነ ሰፋረት ተድሪብ እንሰምዕ እት ህሌነ እብ ድንጋጽ በረግዕ እንገብእ ወምድር ምን ጽብሐቱ እንደንግጽ ዐልነ።

ፈጅራተ ህቱ ክምሰል መድርብነ እብ ውቅል መዐነውየት ለእግለ ዳርሳም ለዐልነ እግልነ ደግም ወፍዕልየን ለአርኤናተ ዐለ። እብ ክምሰል እሊ ሽዑር እሊ ተዐሊም እት 2ይ ክፈል ጄሽ 1ይ ልወእ 1ይ ከቲበት 1ይት ሰሪየት (ሰሪየት ሽሂድ ዳዊት) ምስል አትምምነ። ሐቆ ተዐሊም ለመጽእ ምግግዝ እብ እገር ሰበት ገብኦ እተ ወቅት ለህይ ነኦይሽ ለዐልነ ወገሌነ ምን ሐምድ እት ነዐቤ እብ ሐጅምነ ነኦይሽ እንመስል ለዐልነ አንፋር እብ መካይን እንዴ ንትገዐዝ፡ ሐምድ ላኪን እብ ዕምሩ ንኡሽ ምንመ ዐለ እብ እት ዐስከርየት ለአርእዩ ለዐለ ኒየት ወዐሽም ወመትዳላይ ነፍስ እብ እገሩ ስሕል ወኣውለት እንዴ ጣየመ ሂረረዩ። እብ እገሩ ማርሰ ተክላይ እንዴ በጽሐ እት አስመረ መጽኤነ። እት ክድመት ለዐልነ እተ ሰነት ሐምድ አክል አሕድ ወድ ዐስር ሰማን ሰበት በጽሐ፡ ዕምሩ ምስለ እብ ረቢ ትከፈለዩ ሐጅም ሰኒ፡ ዝያደት እት ረትዕ ወሐጅም እት ወስክ ልትርኤ ዐለ። ህቱመ እብ እት ከርሱ ድጉል እግሉ ለዐለ ሕቦዕ ሽዑር ሞት ወቅታል ወክራህየት ዌረት፡ ምነ ምስሉ እት ሳወ ትዐለምነ ውላድ ሰሪየቱ እት ዎርት እንዴ ኢቀርብ እብ ክል ገኦቱ እት አብረሃም ሀይሌ (ራምቦ) ክምሰል እሙን መልሀዩ ወደዩ።

ሐምድ ወራምቦ እምበል ፍንቲት ዕምር መትደላሎም እት ርያደት ወግዝፍ ሐጅምም እት አሕድ ቀርቦ ዐለው። ምስል ህዩ እት ልትረፍየ ወልትከረ ትርእዩም። አብረሃም እት ሳወ መእቶት ጋይሳም እት ሕነ ዎርት ሐቆ ሐመ ምኒነ ምስትዕድቱ እንዴ ረፍዐዩ እት ፎቃዩ ለዐይር እቡ፡ ፡ ወቅት ነብረ ላኪን ሕነ ክልኤ ባኒ እንዴ እንበልዕ፡ ህቱ ዝያድ ዐስር ክልኤ ወምነን ወልዐል ሐቆ ኢረክቦ፡ ያወይለ ፈሰለትነ ክምሰል ህመም ኬን ወእንሰር ልትገናቤ እትነ። ምን እሊ እት ነዘዕ ወምን እዴ ሌህ እት ልትመጤ አስክ ልቡ በልስ ሐቴመ ኢፈርግ። ሕናመ ገሌ እብ ፈርህት ወገሌ እብ ተፍኪረት ወርሐመት እንዴ ሀብናሁ መተቅብለት እንገብእ እግሉ ዐልነ። ግድም ሐቆ ፍግረትነ ምን

ሳወ፡ ሓምድ ወአብረሃም እብ ክል ገአቶም ትመሳኑው። እብ ህዋየቶም ልግበእ ወሒለቶም። ምን መርከዝ ትዐሊም ሐቆ ፈገርከ ህዬ ዝያደ ሕሪየት ሰበት ትረክብ፡ እት ወቅት ክድመት ክለ ለእግለ ትነየተው እት ምቀደሚህም ወክምሰል ንየቶም ገብአት እግሉም። ሓምድ በክት ድራሰት ሰበት ረክበ እት ሐቴ ሰነት እበ መለህዩ ለዐለ (ራምቦ) እንዴ ትሰደ አስክ ሳልሳይ ፈሰል በጽሐ። እት አብደዮት ቅዌት ወእብ ፍንቱይ ናይ ግእዝ ሕሩፍ አብረሃም (ራምቦ) ለዐበ ሴንዳዩ ወሴድያዩ ገብእ እግሉ ዐለ። ሓምድ እተ ክልኤ ሀገጊት ዐድነ ትግርኛ ወትግሬ እብ ፈልሰፊት እት ልትነፈሶ እበን ትሰምዐ። እብ ወዓየቱ ልግበእ ወፈሳሐቱ ንሳሉ ህዬ እግለ ምስሉ ሳወ ክሩያም ለዐልነ ሰነት ሰኒ አትፈሰፊነ። እት ሐጫር ወቅት ክለነ እግል ነአምሩ ለወጅብነ እግል ነአምሩ ኢቀደርነ። እት ሐቴ ሰነት ወሰር ለኢትጸበርካህ ተቅይር አምጽአ ሓምድ። ምለዐል ክሉ ለልትርኤከ ህዬ ተቅይር እት ጅስሙ ወአምሩ ለአመጽኡ ለዐለ ቱ። ክድመት ክምሰል ተመት ሕነ ክለነ አንፋር ክድመት ወጠን ሳልሳይት ደውረት ወጠን እንዴ እንፈግር፡ ለመለህይ ሓምድ ዋርሳይ ለዐለ አብረሃም (ራምቦ) ሕርያኑ ጄሽ ሰበት ገብአ እት መጣር አስመረ ተርፈ ምኒነ። ሓምድ ዋርሳይ ሐቆ ፈገርነ ምን ክድመት እግል ሽቅል አስክ ባጽዕ ጌሰ። እተ እብ ምህነት ነጃረት ሽቅሉ እት ሐንቴ ኩሪዩን አንበተ።

ለእት ብሩር ለዐበ ሓምድ መሕሙድ (ዋርሳይ) ምነ እት ሱግ ለዐበው ወለዐል ምስል ተጠውራት ሐያት ለናስብ እት ለአርኤ እብ ምህነት ነጃረት ክብረቱ ወቅድረቱ ዓበ። እብ ክእኒ ሰነት ወሰልአስ ሸህር ሐቆለ ሓለፈ እግል ልክዩ ወጠን እንዴ ትከበተ እብ ሐዲስ አስክ መጃምዕ ጄሽ አቅበለ። እት ቀበት እሊ ቴለል እሊ ካልእ ተየልል ሰበት ሳደፈ ህዬ ሓምድ (ዋርሳይ) እግለ ዌረት ወዜምተት ዘቡጠ ለዐለው ከበሮ ከይነት እብ ወቅል መዐነውየት እግል ልብለስ እቶም ዕንዳቄህ ሰደ። እት ዮም 28/4/1998 ምን ክል አካናት እንዴ ትከምከምነ አስክ አካነት ጄሽነ እት እንመጽእ ሓምድ (ዋርሳይ) ምን አካን ሽቅሉ ባጽዕ እት አስመረ ትሐበሬነ። እተ ወክድ ለህይ ፈሰለት ከረ ሓምድ (ዋርሳይ) እት ዐዲ ገብሩ ሰበት ዐለት አስክ ጌሰ። አነ ለዐልኮ እቶም ጅማዐት ህዬ፡ ፈሰለትነ ሐቆ ምጽአትነ አስክ ዛል አንበሰ ወአንበሰቴ ገለበ አቴነ እት ካልእ ዮምነ። ሐቆ ሰልፋይ ወራር ወያኔ እተ እቱ ዐልነ ጅብህት እት ዮም 03/6/1998 ሐርብ ሓለፍነ። ፈሰለት ከረ ሓምድመ ግድም ዐረውነ። ክል ዎሮት እበ እግል ብቆትነ ወብቆት ገቢልነ ወሀውየትነ ለመጽአ ወራር እት ልትፋጅእ፡ ሓምድ (ዋርሳይ) ሳኪን “ለወቅት አዜቱ እግል እዴነ እት ዌረት ወዜምተት ነአብርድ” እት ልብል ልትሰመዕ ዐለ። ግድም ክምሰለ ክል ሙጅነድ ወድየ መትሰሐል ወመትዳለይ ነፍስ ቀደም ስለሕ አርወሐትከ

አትዳላይ ምን ዎርት ተውጅህ እንዴ ኢልትጸበር ለለአትሐምድ መዳሊት እት ወዴ ትረክ። ክፉፉ ልግበእ ወክፉፍ ክል ዎርት እብ ፍንቱይ ጥባባት እተ እቱ ዐልነ ጅብሀት ስሜት ሓምድ (ዋርሳይ) ክል ዎርት ረፍዐየ ወከረየ። ተየልል ወያኔ ምን ዮም እት ዮም እት ልደቀብ ወልትመክረህ መጽእ ዐለ። እት ክሉ ለጅብሀት ህዬ ለሐዳይስ መጀነዲን እግለ ምስለ መቃትሊን መጽአ ዓደት ስሙድ ወሐጠር ወፍርስነት ምን ዮም ወፈጅር እት ልትወረስ መጽእ ዐለ። ክል ዎርተ ከእግል ምስሉ ለትደረብ ወድ ድፍዐቱ ልግበእ ወለ ታእሪክ ለአወርሱ ለዐለ ገዲም መናድል ምኑ ወለዐል እግል ልግበእ እት ትሉሉይ መትሰለሐት ወእግል ነፍስክ አደቀቦት እቱ አትያም እት እንቶም ልብ ትከሬ እግሎም። ሓምድ (ዋርሳይ) ህዬ በዲር እት ደሚሩ ድጉሉ ለዐለ ሽዑር እብ ዐስር ዕጹፍ ወሰከዩ። እብ ፍንቱይ ክምሰል አወላይ ምድፊዐጂ ብሬን እንዴ ገብእ ቀናብል ክፉፉ ክልኤ ተ1 ወክልኤ ቻይነ ወረያም ሻብለ ወለ ኢትትፈተሕ ለትመስል ምላየት(ነጸለ): ለብእቱ ክፉፍ ግሩም እብ እግል ትዕፈዩ ላትትሸንህ በሰር ለትሰፈ እንዴ ትሰራገዩ ወትጠባጠብ ትርእዩ እት ህሌክ “ወሀ!! ጆለ! ሐቴተ ከጅላል ወግርመተ እት አካነ ወመስከበ” እት ትብል እብ መትዐጃብ ወአትቃመትካሁ። አይወ እተ ወክድ ለህይ ወእተ አካናት ለህይ ወሀለዮትክ እት ዐስከሪየት ሐቆ ኢተርፈክ: ዲብ እለ እዲነ ሕሬ ምንዲ ትትበሀል: “ሐቆ እብ ሸንህቼ ወምራጂ ትሰአልኩኒ ላቱ ክፉፍዬ ክምሰል ክፉፍ ሓምድ (ዋርሳይ) እግል ልግበእ እግልዬ ወተምኔኮ ወትቤ። ላሊሁ ወአምዕሉ ክሉ እህትማሙ እተ እቱ ክሱእ ለዐለ ዳይ መዳፍዐት እንዴ ወደዩ: ኑግ እት ወዴ ትርእዩ።

ሐቆ እቅባለት ሓምድ (ዋርሳይ) ስርየትነ ምን ምክያም አስክ ልጋት ትቀየረት። አክል አሕድ ህዬ ምነ ቢንቶ (ክብሪ) እንዴ አንበትነ ምስል አወላይት ብርጌድ ናይ ወድ ስሌማን ክምሰል ነአስር ድፍዐነ ሐጠጥነ። ቃእድ ስርየትነ ለዐለ ዳዊት ወዲ ሸቀ እት ከቲበት እንዴ ልትሸየም: እት አካነ ሳልሕ መ/ ዐሊ (ባህርያዊ)መጽኤነ። ሳልሕመ ሐቆ ገሌ አምዔላት እብ ዐሊ መ/ አድም (ዐሊ ዘረ) ትቀየረ። ድፈዕ ዛለምበሰ ክምሰል እሳት ሐየ: ዶል እት ልሃጅመ ወዶልመ እብ አስለሐት ክቡድ እት ሞጽዐ ክትት ላሊ ወቀመት አድሐ ክልአያነ። ሓምድ ላኪን ክምሰል ወአቱ ዋልደት እግሉ ለህሌት ተዐካይ እት መስል: ለእግለ ፈቴ ብሬኑ እብ መጀሞዕ ወፈርድ አክለ ልከፍ ትበሀለያተ: ሰኒ ቃንዩ እግሎም ዐለ። ምሴት ምሴት ህዬ ሰልአስ መድፊዐጂታት (ሓምድ ዋርሳይ) ወአድም (ኪነ) ወጀኮሚኖ አማይ አሹ: ምንኬን ድፈዕ እንዴ ሐልፈው እተ እንዳ-ማርያም ትትበሀል ለዐለት ንኢሽ ከንደግ ገንግኦ እብ ዐለው። አናመ ክምሰል ሐኪም ናይ ዕለታይ ዳዩ ምስሎም

ቱ ለዐለ፡ ዲብ 'አደይ ቅበጽኒ' (እምዬ ጽበሪኒ)። እለ ዶል እንደ ማርያም እንብለ ለዐልነ ወዶልመ አደይ ቅበጽኒ ተ። ለአሰሊ ስሜተ እለ ለሐሪት ተ። ለብዕድ አፍራደ ፈሲለት እት ልትቃየሮ ሕነ ላኪን ምምያይነ እምር ተ። ላመ ወቅት እንዴ ጋለብናሁ አምዕል ክምሰል ላሊ ወላሊ ክምሰል አምዕል ንትነፍዕ እቡ ዐልነ። አድሐ በክት ትረከበ ምንገብእ እንሰክብ እተ፡ ወላሊ ላቱ ስካብ እተ እበ ክልኤ ለደያነትነ እት ሐራም ለልአበጽሕ ወእጅራም መሰለ። ሰበት እለ ህቱመ ኢልሀድግ እትነ ወኢልውዕድ። እጅትመዕ ናይ ፈሲለት ለገብእ አው ስርየት ሐቆ ገብአ ህዬ ሓምድ (ዋርሳይ) እዴሁ እንዴ ረፍዕ፡ “አነ እሊ እቱ ህሌኮ ዴሽ እቱ እግል እግበእ ይዐለ እግልዬ። እት ከማንዶ እግል እትወዘዕ ዐለ እግልዬ ወእቤ። ረአይክም ህዬ ምስልክም ህለ” እት ልብል ረአይዩ ለአሰምዕ ዐለ። ዐሊ ዘራመ እበ ክልኤ ለጭፍሩ ለበዲር እት መደት ሐርብ ተሕሪር ለትቀረጨው እበ ቀለሙ ረአይ ናይ ክሉ እት ከትብ፡ “ደሐንቱ ሓምድ ዎሮተ ከለ እተ ህለ እተ ሐለቱ ለአወቄ። ክሉ ኮማንዶ ኢገብእ ወብዕድመ ምኑ ኢለሐምቅ።

ገሮባቱ እለ አርደት ለማሌ ዐውል ሕርየት ደፍዕነ እግለ ወዮም ዐውል ስያደተ ወሕሽመተ እንደፍዕ ለህሌነ፡ በሀለቹ ቱ። እንተ ህዬ እብ ሚ ትብለ ክምሰል ህሌክ አምርክ ህሌኮ” እት ልብል በልስ እቱ ዐለ እግል ሓምድ (ዋርሳይ)። እብ ክምሰል እሊ ቴለል ስስ ወሬሕ ሐቆለ ሐለፍነ፡ ህንዲዶ ካልአይ ወራር እት ድፍዓት እግሪ ምን ድገለብ አስክ ድማን ዐብደለ መሐመድዐለ፡ ሽሂድ ሓምድ ዋርሳይ፡ ሽሂድ ዐስማን መሐመድ ዓሊ፡ ሽሂድ አድም መሐመድ (ኪና) ማዕርነት ሰረቐ ሽሂድ ሓምድ መሐመድ ዑመር (ሓምድ ቀይሕ፡) 3ይ ክፈል መኸል ጨበል ረምቦ ትብደለ። ምድፊዐጂታት ወሐካይም ላኪን ምሴት ምሴት እት ምቀደም ድፊዕ ንትመዬ ሰበት ዐልነ፡ ምስንዮትነ ዝያድ ክሉ መክሉቃት ረቢ ምስል ከዋክብ ወጽልመት ገብአት። ወሬሕመ እግል ሐዳት አምዔላት እት ክፍለት ላሊ ምን ምሴተ አስክ ጽብሐት ሐቆ ጸንሐ ምስልነ፡ እንዴ መሸግ ምኒነ፡ ዶል እት ለአትማሴ ወዶልመ ላሊ ክፍለተ ከልእ ምስልነ ዐለ። ዶልመ ምን ጽባብሐ አስክ ምምያዩ ልትሀርብብ ዐለ። ሕነ ወከዋክብ ወጽልመት ላኪን ዕንታትነ አስክ ልትጠየፍ ዶል ክሌሕ እንብሉ ወዶልመ እት ልትዋደቅ ልትርኤነ ዐለ። አክለ አተቅበልናሆም ህዬ እብ ርሽመት ደብር ፋጺ ክምሰል ዋርድየት፡ ገሌ ዋርድየቱ እንዴ አትመመ እት ልትቀየር ገሌመ እብ ሐዲስ ሽብብ ለህለ መሰል እትነ ዐለ። እብ ሀርጋቴቱ ሚ እብ መሻገት ሐቴሁ ቃውያም እት ሕነ ህዬ ላሊመ እግል ኖሰ ሰበት መሸግ ምኒነ ህታመ አስክ ምውዓለ ግራሀ ተሀይባነ ከትአጭርርግ። ጽልመት ወከዋክብመ ምስለ አስክለ ረቢ ለሐደደየ

እግሎም የም ምውዓሎም ገብኦ ዐለው። ሕናመ ላሊ ምስል ከዋክበ ወጽልመተ እንዴ አጅገርናሆም፡ አምዕል ብዙሕ እብ ጽብሐተ እንዴ ኢንትሃለግ አስክ መውዕልን አው ከደን እንገይስ ወአመት መተካርርን እንወዴ ዐልን። ሓምድ (ዋርሳይ) አዜመ አስክ ምውዓል ኢኮን ለገይስ፡ አክል አሕድ ምውዓሉ እተ ቢንቶለ ጽርግዩ ለአስክ ዐዲ ግራት ትከይዱ እቱ ልውዕል። እብ ኖሱመ ምን ድፈዕ በረ ምንዲመ ኢፈቱ ብሬን ላዝም እት ድፈዕ እግል ትውዕል ሰበት ህሌት እግላቱ ልውዕል ለዐለ። አቡነ ሐሙድ ወድ ዕመር ክምሰለ ሕነ ለመልህያሙ እግል ሓምድ እብ ህዳዩ ትፋጅአናሃተ፡ ህቱመ ሰልፍ ዶሉ ሰኒ ትፋጅአ ወሐር እት ዐድ ሐሁ እንዴ አግወሐ እግለ ወለት አዋልዶ ለዐለት ወለቶም ስተል ስዲድ እግል ፡ሆቡ ሰኣሉ ቀደመ እት ሐሁ። ስዲድመ ወድ ዕመር “እሲት ላቱ በዲረ ወድ አብሀ ለህድየ ወእት ሓምድ ትትረቀብ ኢኮን ፈድል ረቢ፡፡ ላኪን ህዳይ ስዔ-ስዔ ነፍስ ኢትረድዩ ክእበ እቤለ ረቢ ወዴን እቱ ለወቅት እሊ” ቤለዩ፡ ሐቁ ወሐቅ ወለቱ እት ረአስ ወቅት እት ከርዮም። ለዕጡጢት ፈርደ ወቅት እንዴ ኢገብእ ሓስደት ግዋሬ ክምሰልታመ ቃዊ ይዐለ አቡነ ሐሙድ፡ ላኪን ክል ዶል ሕነ ውላድ ሚንኣደም እብ አፍዓል ክምሰሌን ውላድ ሚንኣደም እት ነኣትማርር ሐሩቀትን እት ረአስ ወቅት ሰበት እንከርያ ቱ። አቡነ ሐሙድ ወድ ዕመር ክብዱ እብ እበን እንዴ ጨቅጠዩ፡ “ግድም እንትም ዲ ሃይባምን ህሌክም ምንዲ ገብእ ፈጅር ዐቅድን አተውዱን፡፡ ላመ ቆም ወለ ወቅቱ ደነብር ዋድያም እንርእዮም ህሌን።

ሊሊት እንዴ ዔረ፡ ‘ከዮም ትህዱ እግልዬ ወፈጅር አስክ ድፈዕ አቀብል ህሌኮ’ ሓሪተ ትገርም በል አበ አምን ስዲድ” ቤለዩ እግል ሐሁ ስዲድ ክርንቱ ሕይር እት እንተ ወሽዑሩ ስፍሉል ወእሱፍ። ሓምድ ዋርሳይ ክምሰል እሊ ለመስል ቴለል ህዳይ እንዴ ሓለፋቱ አስክ ክፋል ዴሹ እቅቡል ለዐለ። እሊ ለመስል ህዳይ ወመቃንጹ፡ አተ መርዓት ልግበእ ወለ ዋልዴን ዝያድ ምንድቅ እንዴ ኢገብእ እግሎም ዛይድ ሸቀላት ወሀማት ገብኦ እግሎም። ስፋሉላም እት እንቱም ህዬ ህዳይ ስዔ-ስዔ እንዴ ሓለፈ፡ ከጋሾታቱ እንዴ ኢልትሳርሐ መርዓዊሁ አስክ ጀብሀት ሐርብ ሳርሐ። እት ሽዑር ሐው ልግበእ ወሐዋት እምበል ብካይ ወሰፈላል ለልትሰሐቅ ኢትርኤ ወለፈርሐ። ምራድመ ኢኮን ወንዮት ላኪን ለወቅት ወቅት ሓስድ ግዋሬ ሰበት ገብኦ ክሉ እብ ሰኔት ንዮቱ ወትምኔቱ ወህቱ ቅብላት ገብኦ። ደለ እግሉ ገንሐስ ህዬ ገጹ ዕዛል ባልስ እት እንቱ ትርእዩ። ማሲ ምድር ሓምድ (ዋርሳይ) አስከለ ፈትዩ ዋልደዩ እግል ጽንበላት ወመድሐር ሰይፉ እት መርከቡ እንዴ ወደዩ ወሶሚት እት ስጋዱ ወፈከት እት እዴ ማኑ፡ እብ ገጽ ፋርሐ ወሕሽመት

ዋልዴን ለልኦርኤ ተወለው ቤለዩ እግል አቡሁ። አቡነ ሐሙድ እግል ክለ ለአድሐ ትሐንቁ ለወወለት ዕድዕደት ሰፈላል ወአሰፍ እንዴ ዳርከ ወእግል ልሕብዐ እት ልትሓየለ ወህተ እት ትትሓየሉ። ሐቆ እስትቅፋር በልሰ “ግድም ረቢ እት ሽፍር ልብለሰከ ወልፍቴከ። ጣይ አቡካቱ ሓምድ ወልዬ። አነ ሚ እግል ኢበለከ? ረቢ ምነ ሸርለ ከብደለ ዋልዳይ ትብሉ ልሰልመክም ወልሰልመክ። እንተ ህዬ ኖሰካመ አነ ሚ ክምሰል አነ እትከ ትአምር። ሸር ሓስድለ መክረህት ግዋሬ ምኑ ልነጄከ እግልነ። ጽምበላት ህዬ ሽፍር ጣይ አቡካቱ እግልከ ወእግል ሐውከ ህለ። ሸበትክም ቅጾር ወሸበትክም ለአርኤነ።

ምነ እብን ተህንጦጥል ልሰልመክም ወድሐኖ። ዐጀብ!! አነ ወድ ዕመር አነ!! እሊ ህዳይ እሊ ላቱ ጣይ አቡካቱ ሰካብ ካልእዬ ህለ ረቢ ሓሪቱ ለአገርም እንዴ ኢኮን” በልሰ ወክልኤ ዕንቱ ምትዋይ አናብዕ እቡ ቀበሊት ጀራበበዩ። ሓምድ ዋርሳይ ህዬ እተ ትህየበያሁ ሐዳት አምዴላት ህዳዩ እንዴ ሓለፈ ክምሰለ እግል ደገምነ አሰክ ክፈል ጄሹ አቅበለ። ዐዳዋት ክራም ወያኔ እምበል አትካራም አተላለ። ሓምድ (ዋርሳይ) እት ረአስ ዌረት ምን ንእሹ ዕምሩ ለአንበተዩ እቢ እግል ክልኤ እዴሁ ለአብርድ እቶም ንዩቱ ገብአት። እት ደንኅበ ዕለት 22/09/1999 ቃእድ ስሪየትነ ለዐለ ዐሊ መ/አድም (ዐሊ ዘረ) ፈጅአተን ህቱመ እግል ህዳይ እብ ስስ ዮም እጃዘት ዐዱ ጌሰ። ህዳይ ዐሊመ እብ ስዔ-ስዔ ገብእ ሰበት ዐለ ሐቆ ክሉ ታእኪር ምን ህዳይ ሕነ ንግበእ ወለ ምስሉ ወድቆ ወቀንጾ እት ስድት ወረህየት ለዐለው ምናድሊን ምፋጅአት እት እንቱ ዐለ። ላመ ብርሃኑ እግል ትርኤ ተአትቅሴ ወምጽአቱ ተአኖኬ ለዐለት ለርሐመት ዋልዳይቱ እበ መፋጅአት ምጽእቱ እት ፈርሕ “እግል ህዴቱ” ብሂሉ እተ መክሩህ ወቅት ነፍሰ ኢፈቴተ እግል። “እኩዬ አፎ? እሊ ክሉ ስኒን ለአቤ እንዴ ዐለ አዜ እግል ህዳይ ሻፍግ እምበል ሌለ ወፈጥን መጸ” እት ትብል ምስል ደሚረ ትገራገመት። ይመ” ቤለ ዐሊ ዘረ “አነ ለናይኪ ትምኔት እግል አትምም ቱ ማጽእ ለህሌኮ። “በሀለቹ እግል ህዴቱ።

እንቲመ ደሚርኪ ልትረዩሕ ወአናመ ግድም ምን ንእሽ ከፌኒ። እለ ዮም ህዬ ወቅት እሊ እግሉ ትርእቱ ገሌ ውላድ ሐደግነ እግልክም ምንዲ ገብእ!!?” በልሰ ህግያሁ ሓርጠ እት እንቱ። ሰኣል ተውድሕ ለመስል ወእት ደሚር ክል ዎርት ፈርህት ወሸቅላት ለቀዋቅል። እግል በሊስ ወልደ ለሰምዐት ዋልዳይት ዐሊ ዘረ፡ “ዩቡ እብ ረቢ ፈገርኮ ምኑ ለፋል እሊ። ሐሬ ህዬ ገብሸ ኬር ቀብረኒ ውላድ እንተ ኢጣሰሰካሁ ወእሲት እንተ ኢሸመከ እተ እብ ረቢ ፋግረቶም ህሌት እምከ። አዜ እለ ወለት አቡከ ገብሸ ኬር እግል እግል ንመልሼ እግልከ ሰብር ውዴ ወላመ ዓዳተ በዲር እዘሞ ምኑ በሎም ሕልብዬ። እሲት ሐማሀ ሐቆ ሐለ ለአትዩ ዐለ ዓዳት ዐድከ ሚን ዓምር

ቃዊሁ ሚ ህሌከ። የም ህዩ ወሬሕ እት ሐል እጃዘቱም ትትረከብ ይህሌት። ሐሬ ህዩ እንታም ምን ትሐምቅ ትክ እንዴ ወዴከ ምርት ወርሕ ወካልአዩ ድገም” ቴሉ እግለ እት ዕንታተ ካርየተ ለዐለት ነዛረት (ነዘር) ዕንታት አስክለ ብሶተ ለዐል እት ረፍዐ ምነ። ዐሊ ሰኒ ትሰሐቀ ወሐር “ይመ”፡ አሀ መሐበርዬ” በልሰት እሙ። “የም ወቅት ህዳይ ኢኮን ወወቅት ሕጻይ ላኪን፡ ቤለ ከእግል ዶሉ አስተንተነ ዐሊ ዘረ ወሐር እንዴ አትለ፡ እለ እንቲ ምን ሰነት1986 እት ሰውረት እት እፈግር እንዴ አንበትኪ አስክ እለ የም፡ እንቲ ህዴ እት ትብሊ ወአነ እት አዝም ወእንዴ ይህዴ።

አዜ ህዩ ከንዶእ!? አርወሐቹ እለ እምከ ሐቱ ዶል አፎ ኢትሰምዐ ለልብል ሰኣል ደሚርዬ እግሉ እግል እብለሰ እብ እጃዘት አርበዕ አምዕል ማጽእክም ህሌኮ። አዜ አቡዬ ዐሊ ወለቱ ሀቤኒተ ምንዲ ገብእ እት አርበዕ ላሊ ለትትከለቅ ሕነት እንርኤ ወለትሰረረተ ከንዶእ!?” ቤለ ከህቱም ሻመለየ ወትሶመለ ምነ ብዙሕ ልብ እግል ኢትክሬ እግሉ እት ፈርህ። ዋልዳይት መስኪነት፡ ምን እለ ትኣኬ ኢትሰምዕ፡፡ አስክ ተላክመ እንዴ ጌሰት ወለቱ እግል ወድሐሁ እግል ልድሐረ እግሎም ትሐሰበቱ፡ ወህዳይ ለጆልጅ እንዴ ወደው እግሉ ሐቆ ሓምስ ነሃሩ አስክ ጀብሀት ዛል አንበሰ አቅበለ። ቤት ሔማሁ እንዴ ኢለአቱ ዐሊ ዘረ። ሕነ ላኪን እግል እለ ተየልል ዐሊ አክል አሕድ ዳልያም ይዐልነ። እምበለ ክልኦት ለመልሂተ አማኑ ላቶም ሸሂድ የሴፍ ክብሮም ወሸሂድ መ/ዐሊ ሳልሕ። ክምሰሌሁመ ወድ አቡሁ አብራሂም እድሪስ እድሪሳይ ሰበት ዐለ ምስልነ ላመ ሕድት መዐሉመትነ እብ ገበዩ እንረክበ ዐልነ። ክምሰለ ትበሀለየ ሳድስ የሙ ጸዐደ ጀዝመት እግለ እንዴ ትጋረ ተለው ቤሌነ ዐሊ። ስርያትነ ክምሰለ ዕያል ለአቡሆም እግል ወቅት ረዬም እንዴ ትፈንተየም ለማጽኦም አንስነ ወተብዐትነ እግል ሰላሙ ትሳስዔነ ወሀጅል ገብአነ እቱ። ግያስ ዐሊ ለኢዳሊ ወከብቴነ ለልርኤ፡ ስኒን ፍንቱየም ዐለ እንዴ ቤለ ወአክበረ። እብ ፍንቱይ ህዩ ሓምድ (ዋርሳይ) ቀደም ክለነ ሰበት ረአዩ ሰፈላሉ እብ ነሐር ፋይሕ አትባረደ ምስሉ። ሓምድ ዋርሳይ እበ ውቅል መዕነውየቱ፡ ክሉ ፋርስ ወዋቂ ፈትዩ ዐለ። ህቱመ እት ፋርስ ወዋቂ ልትደለል ወእሎም እግል ልምሰል እምበል ሕላሌ ልትጸገም ዐለ።

እለ እት ዕለት 30/09/ 1999 እት ገብእ ሐቆ ሐቱ ነሃር ሐቱ ሰብተምበር ሰበት ዐለት፡ ዐሊ ቀደም ድፈዕ አቲነ ንኡሽ እጅትመዕ ወደ እግልነ። እተ እጅትመዕ እብ መናሰበት ሐቱ ሰብተምበር ከሊመት አሰናይ ሐቆለ አስሜዔነ፡ “አነ ሐቆ አስተሽሀድኮ፡ አነ ፈጅር ሐቆ አስተሽሀድኮ” ለትብል ዘዐት እብ ብዝሐ ደጋገመየ እግልነ። ልባሰ ዐሽሉ እንዴ ኢከሬ ምኑ፡ እተ እጅትመዕ ሓምድ እት ለዐልብ ወዐሊ እት ዳግመ ዐስር ሰቦ ዶል ደጋገመየ።

እስትሽሃድ ለኢተርፍ ዕለታይ መናበረት ድፊዕ ምንማቱ፡ ክምሰለ እንቤለ ሐዲስ መርዓዊ እብ ግብአቱ፡ ለከለመት ክሉ ደንግጽ ምነ ዐለ ወእብ ፍንቱይ እብ ኦርወሐቱ ኦስተብደዮቱ። ሐቆ ምነ እጅትመዕ ኦስክ ድፊዕነ ትበገስነ፡ ሓምድ (ዋርሳይ) እግል መብህል ዐሊ ዘረ ልብ ካሪ ሰበት ዐለ፡ ኦነ ሸንጠቼ እንዴ ትሆገልኮ ኦስክለ ቀጣን ገበይ መኦተዱትነ ላተ፡ ምን ኦልቃም ሕሳብዬ እት እወዴ እግል ኦቲ፡ ከጥወት ወከጥወቴን ካዩድኮ እግሎም። ዐሊ እብ ምንርሐርነ እንዴ ኦድህዩ እግል ሓምድ “እግል መዐልም ኢትምረሕ በሉ በዐል ከላሽን ልትቀደሙ” ቤለዩ። ሓምድመ “መዐልም እንተ ጽነሕ፡ በዐል ከላሺን ሓልፎ ልብል ህለ ዐሊ” ቤሌኒ።

እባመ ካልእ እንክር ለእት ደሚር ሓምድ ልትወስወስ ለዐለ ምን እጅትመዕ ዐሊ ለጸብጠዮን እብ ፍንቱይ እግልዬ እግል ልድገመን ሐዘ መስለኒ። “ሰመዕ ዐብደለ፡ ዐሊ ዘረ ላቱ ዮም ግድም ለትርኤቱ ትትረኦዩ በዲር እሊ ህዳይ እሊ ወይህደ ወኦዜ ፋሉ እግል ኦርወሐቱ ናይ ረቢ በናተ እንዴ ኢኮን፡ ትሰምዑ ዐልክ፡ እግል ለኦስተሽህድ ቱ” ቤሌኒ። ኦነ ገሮብዬ እብ ድንጋጽ ተወው ዋዲ ምንዬ እት እንቱ ኦስክ ዐሊ ትወለብኮ። ምስለ ረያም ብጥረቱ መሰደስ እንክር ገለቡ እንዴ ኦተድሮረዩ፡ ሬድዮ እትሳል እብ እዴ ማኑ ኦስክ ኦፋሁ እቅሩብ እት እንቱ ትወለብኮሁ። ህጋያነ ጉም ጉም ሰበት ገብኦት ህዩ፡ “ግድም እንታዲ እንታመ ህዳይ ለጃላጅ ራድያሙ እግልክ ዩዐልነ” እቤሉ ከሰክ ሓምድ ኦቅመትኮ እብ ሐዲስ።

ሓምድ እበ ሰላሰ ለገበኦ ኦንዩባቱ ኦትባርህ እግልዬ ወሐር፡ “መዐልም ኦነ ሌህ ፎርቶ ሰንዐፌ ትርእዮ ህሌክ፡ ምን ድገለብ ኦስክ ድማን ዐብደለ መሐመድዐሊ፡ ሽሂድ ሓምድ ዋርሳይ፡ ሽሂድ ዐስማን መሐመድ ዓሊ፡ ሽሂድ ኦድም መሐመድ (ኪና) ማዕርነት ሰረቕ ሽሂድ ሓምድ መሐመድ ዑመር (ሓምድ ቀይሕ፡) 4ይ ክፋል ምነ ክሉ ክሉ ይሐልፍ መናዝልዬ እሊ እግሉ ትርኤ ቱ” ቤለኒ። ሃስስ ሰሓቅ እቡ እት ለኦትባርህ እግልዬ። ጸሓይ ኦስክ ምምያዩ እንዴ ኦድሮሬት ሐዌናይ እንጮጭሓይ እት ርሸመት ደብር ፋጺ ልትርኤ ምነ ዐለ። ሕነ ወህተ ክል ምሴት መጥመጦር ኦሕድ ንትሳስዔ። ህተ እግል ምምያይ ወሕነ እግል ትርሃነ። ህታመ እት ካልእ ከፈፍል ዓለም ተኦትባርህ ትገብእ!፡ ሕነ ላኪን እግለ ፈድለ ጤልመት ወዌረት እት ጽልመት ወበርህት ዝናርነ እንዴ ሰደድነ መርዓዊነ ዐሸሉ እንዴ ኢለኦዘፍፍ ወወሬዛነ እንዴ ኢልትዐሸል፡ ኦስክ ኦግባብ ዜምተት እት ንትጋቡብ ንትዓደር ተኦትቃምተነ። ለኮን ሃድእ መስል እንዴ ዐለ፡ ምን ቅብላት ለኦትናውራነ ለዐለዩ ክራም ወያኔ፡ እብ ክራም ክራም እግል ልፈናትያነ ምነ ቀናብል ላግም ውዕል ለዐለ መዳፍዐን ወዶሽካታት ወብሬናት እብ ክሻፈት እትዩትነ ክምሰል

ተአከደት እግሎም፡ ቀበሊት እግል ልግሰዕ ለአነብት። ኢዘብጠያናም ምን ገብእ እብ ረአሰነ እት ልትሞጠዕ አሰክ ምምያይነ እንበጽሕ ሕኒን እት ልብል ህንደገት ልብክ አሰክ እብ ክልኤ እዝንክ ትሰምዐ ደምክ ረፍዕ ወከሬ። ቀደም ክለነ ሓምድ (ዋርሳይ) ምምያይነ እንዴ በጽሐ ህሌነ እብ ለአሰምዕ እብ ፈርድ ወመጅሞዕ ቃነዮት ጥብብ ወላብብ ለመስል እብ ተገግ እት ለአብላ ረድ ፍዕል መባሸር ለህይወም ዐለ። ሓምድ (ዋርሳይ) አንያቡ ሰላሰ ተን። በህለት ክል ዋሮት በጽሕ አው ሐቆ ሸንገለ ሰላሰ ወክልኤ ኒብ በጽሕ አንያቡ። ሓምድ ላኪን ሰላሰ ሰበት ዐለየ። ሐቴ አምዕል ሕሙም ሰበት ዐለ ሕግነት ዘበጥኮ ወሐር “ስመዕ መዐልም” ቤሌኒ ከእግል ሰሓቅ አትባርህ እግልዬ። “አሃ ሓምድ ቀይሕ” በለሰኮ እብ ጀህቼ። “አነ መልህይ አንያብዬ ሰላሰተን ኮንዶእ ለእብ ገብአየ። አዜ ሳይንስ ሚ ልብል እግል እበለክ እቤ” ቤለኒ። “አነ ለአምሩ አለብዬ ላኪን ንትሰአል” እቤሉ ወሐር “አሰናይ አርብዐ ኢገብአየ” እቤሉ ከምስል ትሰሐቅነ። ስሑቃም ኢልግብኦ ዌረት ዐድነ። እለ ላሊ እለ ዶል እት ረጅሙነ ወዶልመ ሕነ እት እንለክፍ እተን ጽብሕ ምድር አትባርህ። ላመ ልውዕሎ እንዴ መጽአውነ ሕነ አሰክ ድፍዐነ አሰር አሕድ ክታር ፈግር ሴር ጸበጥነ። አነ ወዐሊ ምስል ሰብ ከላሺን እብ ምርሐር ወወስብ ብሬን ሓምድ እት መርሐ እሰልፍ ትበገሰው።

ፈጅር እለ አምዕል እለ ዕለት ሐቴ ሄልል ሰብተምበር ሰበት ዐለት፡ እት ምውዓልነ ልውቃም ወዐልነ ማሲ ምድር አሰክ ምምያይነ በኪተት ሴር ክታርነ ጸበጥነ። ናይ ክቡድ አስልሐት እት ቃእድ ስሪየትነ ዐሊ ዘረ እንዴ መጽአ፡ “ዐሊ” ቤለ ከአድህዩ። ዐሊመ “አይወ” ተጨለ ቤለ ከአሰኩ ረትዐ። “ስመዕ ዐሊ፡ ዮም ላሊ ምን ድፋዓተን እግል ነአፍግረንቱ። አዜ አሰክ እንደ ቁልቃል ሐቴ ዶሽክ እግል ነአቴቱ። እንታመ ሸሪጥ ብሬን ኢትአውሕዶ” ቤለዩ፡ ከእግለ ክሸፉ እት ረአሰ ጣግዩቱ ዐመየ። እግለ ምስሉ ማጽአም ለዐለው አንፋር ክቡድ አስለሐት ህዬ አሰርነ ገበይ ትማጠው። ህተን እት ምምያየን እንዴ ኢበጽሐ፡ ሕነ እንዴ ሐለፍናህን እብ ዶሽክ እንዴ ተሌነ አርድ እሳት ወዴናሁ እተን። እለ ምሴት እለ ክምስል አድሐህ እንዴ ኢትትመዬ፡ ላሊ ከረብ እት እንተ እት ጽብሕ ምድር በጽሐት፡፡ ዶል ደርካነ ወዶልመ እት እንደርከን፡ ወደግ ቅልንቁለት ጥርዓን ወመውዒታት ሰብ ድፈዕ አሰክ ስምየም ያፈራጅ ቤለ ለሞዳይ። “ሀለው ሀዳናይ” ሀዳናይ ህሌክ ምስልዬ! ለልብል ሬድዮ ቃእድ ከቲበትነ ክትት እንዴ ኢነስእ አርድ አትባርህ። ሐቆ ጽብሕ ምድር ሀለው ሀዳናይ? ቤለ አዜመ። “እሰምዐክ ህሌኮ” በልሰ ዐሊ ሀዳናይ። “እግለ ምድራዐጂታት ብሬን አፍግሮም ወእንተ እት ድፋዓተን ሕለፍ እትነ” ቤለ ከአማውር ዐስከሪ ሓለፈ እቱ ቃእድ ከቲበት፡ ሸበቅ። ዐሊ

“ሕሊና ሐቆ ቴልከኒ እቅባለት አለብዬ አነ” በልሰ እቱ ወሐር እግል ሓምድ ወጀከሚኖ ወሽሂድ አድም ኪነ እግል ልፍገሮ አማውር ፍግረት እት ለሀይቦም። እግልዬ ሀይ እንተ ሼክነ እትሊ አንደር ጽንሕ” ቤሌኒ ከሀቱ ምስለ ክልኤ መጅሙዐት ለሽሂድ ገሬ ከከባይ ቀውደን ለዐለ አስክ ቅልንቄለት ጋንሕ እት እንቱ ትወከለ ምንዬ። እሊ ስድ እሊ “አነ ዐሊ እትለ ይእተርፍ። እትለ ለገብአ ጅሩሕ እግል ልምጽአኒ ኢቀድር” እቤሉ ከአሰሮም ገብአኮ። “አቅብል እብለከ ሀሌኮ መዐልም አማውር ኢትጅፈ” ቤሌኒ ከረአሱ ኬን ረትዐ ምንዬ። አነ አበደን ይእተርፍ” እቤሉ፡ ምስሉ አክል አሕድ እተ ምምያየን ወለ ምውዓለን ለዐለት ምሽባብ ሀድፍ አስከ ድፋዐትነ ሽብብ እንቤ እብ ሕበር። ምሽባብ ቅልንቄለት እብ ቀናብል እዴ ሞርታር እት እሳት ጀሀነብ ትቀየረት እትነ። ሬድዮታት እት አሕድ ጨጭ ቤለ።

ቃእድ ከቲበትነ “ሀለው ሀዳናይ። ሀዳናይ ልክያሁ ወመትሀርሃሩ ፈጥን ወሌለ ከልኤነ። ቀናብል መዳፍዕ ምን ረይም ወቅሩብ ሞርታራት ወደሽካታት ቀናብል እዴ ወቅጭሕርሙ ምሽባብ ቅልንቄለት እብ በነ እግል ነድ ትፈረደት። ስብሐን አላህ በሸርና እትርእዩ እብ አጨብል ወተናናት ሕብሩ ቀው። ሐቆ ሐምስ ደጊገት ምን እትየትነ፡ አነ ወሀዳናይ ዐሊ ዘረ፡ ጽገግም እተ ለዐልነ ቅልንቄለት፡ ሀቱ እብ ብጣሩ ወእነ እብ ግሳይዬ፡ ሞርታር ሰበት ከረ እተ ክምሰል በዲር ኢትከለቀት ገብአት። ላመ በዐለ ረያም ብጥረት ወጸዐደ ጀዝመት፡ እንዴ ኢልትገሴ ለእተ እዴሁ ጸብጠ ለዐለ ሬድዮ እትሳል ሀተ እንዴ ሸፍገቱ፡ አነ “ትገሴ ዐሊ” እንዴ ይአትካርም፡ ለራዲ እተ ቀደምዬ ሐጸ ድፉን እት እንቱ አቅመትኮሁ። ላመ እተ ሐንቴህ በጥር ለዐለ ቅልንቄለት እት በል ሸም ምክራየ ትቀጭት። እብ ውድቀቱ ለአግረሰየ ቅሩብነ ለዐለየ፡ ምን ቅሩብ እብ ቀናብል እዴ ፈጥን ወሌለ ከልአያነ። ለአካነ እብ በነ ልገት ጽልመት ወርሰተ። ለእቱ ዐልነ ወደግ ምን ስሪየት ዮሴፍ ክብርም ለእግሉ ፈቱ ፈታይ አማኑ ወመለሀይ ዲማሁ ክምሰልቱ እተ ናይ ዲማሆም ሰፈርመ ኢትፈናተው። ሽሂድ መ/ ዐሊ ሳልሕ፡ ቀደም ሐድ ደጋይግ እስትሽሁድ ዐለ። አዜመ መልሀይ አማኑ ዐሊ አክል አሕድ ትንፋሱ ምንመ ይሐልፈ 90% ዲብ ሞት ቃርብ ዐለ። ሀተን ውድቀት ዐሊ ሰበት አግረሰየ እግል ልስሐባሁ እት ልትጃከላነ፡ አነ ምነ ሐር ተርፈው ወለ ቀደም ሐልፈው እብ በይንዬ፡ እት ጀዚረት እሳት እኪት ለእፈቲዩ ቃእድ ስርየትነ አትሐወለያኒ። እግለ ዋድቀት ለዐለት ራዲ እንዴ ነስአኮ ሀዳናይ ክምሰል አሬመ አሰአልኮሁ እግል ሸበቅ። “በገ” ቤለ ቃእድ ከቲበትነ ሸበቅ። ደገግ እግል ጅሰቱ ኢልንሰአ ወአዳም ብጎርከ ምንዲ ገብእ፡ አፍገሩ” ቤሌኒ። እግል እተ ጀፈርዬ ሳትር እንዴ ጸብጠ እብ ከላሽን ልትሐረበን ለዐለ ወድ

ፈሲለትን ሰረቄ ሀብቱም እንዴ ነቀምኮ፡ ምስል እግል ዐሊ እንዴ ነስአናሁ እተ እቱ ጽነሕ ብህልዬ ለዐለ ከንደግ አብጸሐናሁ። እት ድፈዕ እንዴ ገብአ ከእግል ሰደይትን እብ ብሬን ልትሓረብ ምዩይ ወውዕል ለዐለ ሓምድ ቀይሕ (ዋርሳይ) እስልፍ ቃእድ ፈሲለትን ስዒድ አብራሂም አተ፡ ወሐር ሓምድ እብ ሰዐይ እንዴ ተዐደ እግለ ጎፋይ ብጥረት ለዐለት እግሉ ዐሊ ዘረ እት መሸንገሉ እንዴ ወግረዩ አስክ ድፈዕ ምን ጥለግ አባይ እት ለአትቀላጩ፡ አት አካነት እምን አብጸሐዩ። አነ ግድም ዐሊ ዘረ ትንፋስ ሓድግመ እቱ ምንዲመ የዐሌ፡ ሰአየት ቅንጽቱ ላተ ሐዋኒት ሰአየት እት እንተ ሓድግ ዐልኮ። እብለ አስክለ “ምን እለ አካን እለ ምድር ሐቆ ጸብሐ ይእንፈግር” ብህል ከአቲህ ለዐለ ዐሊ ዘረ አስክ አቅበልኮ። እት እቅባለቼ ተንሸነን አስራት እተ ሰበት ዐለዩ፡ እብ ሞርታር፡ ዶሽከ፡ ከላሽን ወቀናብል እዴ ሕፍረት ተነት አተምሰለያህ። አነ ወቃእድ ፈሲለትን ስዒድ አብራሂም አስር አሕድ ቱር ቱር እት እንወዴ ቀበተ ቀዛይፍ እግል ሽበት አስክለ መክሩህ ወደግ ቀደም ሕዋጠትነ፡ ለፍንጌ ክሊነ ወድቀት ቃዝፈት ስዒድ አብራሂም በርደን ወሰላመ እት ገብእ ምነ፡ አነ ውድቀቼ ህቱ ለምስልዬ ዐለ እንዴ ኢደልዩ ምንኬን ጸድፍ ምድት ወደቅኮ። ሓምድ ዋርሳይ አዜመ አርወሐቱ እተ እንዴ ኢፈርህ፡ እት ውድቀቼ ልብ ካሪ ሰበት ጸንሐ፡ እግል ምድት እንዴ ኢልአትጋሚ አቅብል እት ልትበህል ሰዐይ ሓጥር ወጥሕር እት ልስዔ እግልዬመ ክምሰለ እግል ዐሊ ወደዩ ምን መለገት አፍገሬኒ። አይወ፡ ምን መለገት ለኢፈግረ ሓምድ ዋርሳይ!! እግልዬ ወእግለ ሳምን ምርዒነ ለየአዶረ ዐሊ ዘረ፡ እግል ምድትን ለጣህር ጀሰዱ እት ለአፈግር፡ እግልዬ ህዬ አስክ እለ እብ ሐያት እግል አተላሌ ምን መለገት ዌረት አፍገሬኒ። እንዴ ልስዔ እብዬ ህዬ እብ ህለዮት ዐሊ ትሰአልኩሁ። “

አብሸርክ መዐልም!! ዐሊ ላቱ ገበይ ዲማሁ ጌሰ” ቤሌኒ። ሓምድ እግልዬ እት ነደይቱ ራፍዕዬ እት እንቱ፡ እት ክርንቱ ክምሰለ ሰምዐኩሁ ሽዑር ሰፈላል ወሰርቤብ ትበዩን እግልዬ። ላመ ዶል እብ ረአሰነ ሕኒን ልብል ለዐለ ቀዛይፍ አባይ ወዶል እት ድዋራትን ወድቅ ለዐለ ደሐን ነፍሰነ ልስዕ እት ክልኤ ጋብአት እት እንታቱ እሊ ንትባለሰ ለዐልነ። እሊ ስድ እሊ ክሉ እህትማምዬ እበ ቀደም ክልኤ አምዕል ልብለ ለዐለ “አነ ሐቆ አስተሸህድኮ” ለትብል ዘዐት እት ገጽ ገጩ ትባጠረ እግልዬ። ሚ እግል ቲዴ ላኪን አምር ረቢ ሐድረ። ‘እት ዐጋም ለትጸገዐት ቅልንቃል እት ነብዕ ትነብር’ ልቡለ ሰብ መሰል ለምሳላ ተ። ግዋሬ መክረህት ለትጋወረ ገቢልመ ከል ዮም ከሕሩይ ወፋርስ አግማሙ እት ቀብር ነብር፡ እት እብል እብ ደሚርዬ በኬኩሁ። ለሳምን ይአዶረ መርዓዊ። እት አካን ሕብዕት አብጸሐኒ ሓምድ ዋርሳይ አናመ ጅርሐዬ ብዞሕ ዐለ እንዴ ኢኮን እት ቀፋለት ለለአበጽሕ ይዐለ። እግለ

ሽብሃት እብ ዕንታቹ ከለልሁ። ለክልላት መልህም ዐሊ ወመ/ዐሊ ሳልሕ መጣውር እኩሩራም እት እንቶም አንትበህዬ ከሬኮ እቶም። እብላ ህዬ እት መቃብር ሰርሐ ናይ ዲመ መስከሮም ጸብጠው። ሑኩራም ለዐልነ አንፋር ሰር ላሊ እት ዕያደት ዓለ አብጸሐው። ዎሮትክ ልቡ ሐቴ ልብሉ፡ አነ ላኪን እሎም ክልላት ለክቱብዬ አንበትኮ እቡ ሓምድ (ዋርሳይ) ወለ ገዲም መቃትል ዐሊ ዘረ እተ፡ እተ ወክድ ለህይ ወድወ. ለዐለው ከጠዋት አድሕድ ለመስል ተየልል እግሉ አንተብሀኮ እቶም።

ብላ ምን ዕለት 1/09/1999 አስክ ወሬሕ 12 እት ዕያደት ሐቆ ጸንሐኮ፡ እተ እቱ ዐልኮ ክፈል ዴሼ አቅበልኮ። ክሉ መዳሊት ሓለት ድፈዕ ሐቴ ትመስል ዐለት። ለሰብብ ህዬ ወያኔ ህንዲዶታት ስዱ ሓልፍ ተአትጋይስ ሰበት ዐለት ቱ። እት ድፈዕ ላኪን ዎሮት ሽእ አነ ለይእፈትዩ ጸንሐኒ። ህቱ ህዬ አነ እት ካልእ ከቲበት ሰበት ትቀየርኮ አርወሐቹ ኢፈቴተ እግልዬ። ምን ክራየትነ አስክ ሳወ ወሐር እግል ክልኤ ሰነት እት ጥዕም ወመራር ምስል መናበረት ድፈዕ ለትሓወልነ ውላድላ ሴዕ ለቆምያት እብ ፍንቱይ እት ሐቴ ሰርየት ለዐልነ ፍንቱት ምኖም ነፍሼ ኢፈቴተ እግልዬ። እብ ዐቢሁ ለዓበውነ ዋልዴን ፍንቱት ምኖም እንዴ ኢነአቤ አዜ ፍንቱት ከቲበት ወሰርየት ህተን ሻቀለያነ ወሰራበበያነ። እት ዐስከርየት ላኪን ለእግለ ትበሀልክ እግለ ትወዴ እንዴ ኢኮን፡ ዕጢ ሚጢ ለልትበሀል አለቡ። እምበል ምራጄ እግለ ለረዱም ወቅት ለጸንሐኮ እተ ሰርየት ሽሂድ ዐሊ ዘረ ግራዬ እንዴ ሀብኩወ አስክለ እተ ትቀየርኮ ፈሲለት ትወክልኮ። አዜመ እብሊ ትቅዱር እሊ እት ካልእ ክፈል ዴሽ ትቀየርኮ። እት ዎሮ ሽብሃት ሰበት ዐልነ ላኪን ምስለ ጸርዬ ለዐለው ከረ ሽሂድ ሓምድ መሐሙድ ዑመር ወሽሂድ ዑስማን መ/ዐሊ ሰልማን፡ ወሽሂድ ግርማይ ደስተ ወድ አንበስቴ ገለበ፡ ወሽሂድ አድም መሐመድ ኪነ (ወዲ ናረ) ወሽሂድ ዑስማን መ/ አሕመድ መልኬን (ፍያክ) ንትዋጀህ ዐልነ። ዕለት 11/05/2000 ሕነ ክፈል ዴሽነ ሐዲስ ሰበት ዐሊ እግል ንትኣመር እንዴ ትበሀል አስክ ሕዝ ለትትበሀል አካን ገገዝ። ፈጅራተ ወያኔ 3ይ ወራሩ እብ ረስሚ አስተብደ። ሕናመ ግድም መጥ-መጦሩ ተሐት ወለዐል ትመሀጸነ ምስሉ። ሐቆ ብዞሕ አንጎጋይ ወመትረባሽ ህዬ፡ ዕለት 24/05/2000 እት ማይ አልበ እንዴ ወዐል

ነ ክእብ ፎርቶ ሰርሐ ወሰንዐፌ አልዐስር ፈገርነ፡ ከምን ሰንዐፌ መካይነ ብትሮል እንዴ መልአነ እብ ጋድሞታት ሰመጃነ አስክ አድብር ዐይገ ሄራርነ ወራድኢትነ አሽፈግነ። እብሃዘትነ እብ ፎርቶ ሰርሐ ወሰንዐፌ፡ አነ እግል ኖሼ ብዞሕ ህምገም አበለተኒ ረቢ ልክርዐ ለሓለት ለህ። እለ አርወሐትነ ምን ዕምር ወዕማር ሚ ክምሰል ህለ እግለ እንዴ ኢትደሌ ወሳዊስ ደሚር

ወደገደገደ ላቶም ኢሊሐዱገ፡፡ ሐር እንዴ አቅበልኮ አስክለ ሽብሃት ለውላድ ሓድግ እቱ ምን ድገለብ አስክ ድማን ዐብደለ መሐመድዐሊ፡ ሽሂድ ሓምድ ዋርሳይ፡ ሽሂድ ዐሰማን መሐመድ ዓሊ፡ ሽሂድ አድም መሐመድ (ኪና) ማዕርነት ሰረቆ ሽሂድ ሓምድ መሐመድ ዐመር (ሓምድ ቀይሕ፡) 5ይ ወናይ ደንጎበ ክፈል ዐልኮ ወቃእድ ፈሰለትነ ቅቡር እቱ ለዐለ እብ ከያል አትቃመትኮ። እምበለ ክምሰል እሳት ዐልመት ነድድ ለዐለ ድዋራት ወእብ ረአስነ ወቅብላትነ ልትሞጠዕ ለዐለ ክቡድ አስለሐት ሐቴመ ኢርኤኮ። ለህግዩ ሓምድ (ዋርሳይ) ላኪን አዜመ ክምሰል ሾከት ነጋድ ቀስ አበለተኒ። ለዐሊ አስተሽህደ እተ አምዕል፡ ዐሊ እንዴ አድህዩ፡ “ሓምድ እግል መዐልም በዐል ከላሺን ሓልፍ በሉ” ሐቆለ ቤለዩ። “ሓምድ እት ዐሊ እት ፈርህ “መዐልም እሊ ህዳይ ዐሊ እብ ለጆልጅ ፋትሁ እግሉ ይህልኮ” እት ልብለኒ ፈቀድኩዎ። አናመ እብ ጀህቼ እንታመ ሚ ዶል ፋትያሙ እግልከ ዐልሃ” ክምሰል እቤሉ፡ “መዐልም ሕነ እሊ እቱ ህሌነ መሳክብናቱ። ምን ሌህ ፎርቶ ኢነሐልፍ” ክምሰል ቤሌኒ እብ ደሚር ስፍሉል ወንዮት ሐጫር ረሼ ሐር ክምሰል ትወለብኮ፡ ዐሊ ግረ ሰልአስ ነፈር መሰደሱ እንክር ገለቡ እንዴ አተድሮረዩ ሬድዮ እትሳል ጸብጥ እት እንቱ አቅመትኩሁ። መዳግም ላሊህ ኢነት ለህ ህዩ ለእግሉ ዳገምናቱ። መኪነት ቀደም ትሂርር ወአነ ረሼ ሐር ክምሰል ርኡይ ውላደ ፍንቲት ክልኤ ዕንቹ መትመላክዩ አበዩ። ህተንመ እበ ወያኔ እግል ቀሽ ወርዕብ እት ጋድሞታት ስመጃነ ትወድዩ ለዐለት እብ ሂሊኮብተራት ባኮታት ትላክፍ ሰበት ጸንሐተነ፡ አዳም እቱ ምንመ አምህደነ፡ ደሚርዬ ላቱ ልሰዕ ምነ እቡ ሐሰብ ለዐልኮ አቅባል እግልዬ አበ። አሕ! ኡፍ! ምነ እቱ ሽሙም ለዐልኮ ህም ላኪን ሐቴመ የአንቀሰዩ ምንዬ። እት ደንጎበ ህዩ፡ ‘እስታቅፍር እላህ’ እቤ እግል ልጃም ይእብተክ ወእት ሴርዬ ገብአኮ። ሕነ ወጽልመት ወወያኔ ምስል እት ሐቴ ጢሾ ተዐገልነ። ዐይገ አምዕል ርእያመ ኢነአምር። ተለግብተ ወለ ራትዐትተ እንዴ ይእንደሌ ንትሓረብ እተ ትመዩነ። ቃልያም ቤዛለ ቃልየት ትርብቶም እንዴ ወዴነ እተ፡ ፈጅራተ ወዐልናህ ወትመዩነ እተ። ሰር ላሊ ላኪን አንስሕቦ ትበህልነ። እለ አምዕል እለ ሕኩመት ኤረትርዩ እብ ረሰሚ እንስሓብ ዐለነት። ክፈል ዴሽ 32 ምነ እግል ዝያድ ክልኤ ሰነት ለትሓረብ እቱ ከናድግ ጀብህት ዛለንበሰ ለንስሕብ ወዐለ። እት ላሊ 25/5/2000 እት 26 ተአጸብሕ ፎርቶ ሰርሐ ወሰንዐፌ እብ ቀዚፈት ደባበት፡ ሓምድ (ዋርሳይ) ወካልአዩ መድፈዐጂ አድም ኪነ አስተሽህደው። አይወ! ለኢትትረሰዕ ዘዐት ሽሂድ ሓምድ (ዋርሳይ)!! “ሕነ መሳክብናቱ” አይወ መሳክቦም ቱ!! በዐል አማን አማን በልስ ወደግም። “ክል ዶል እስተሽሂድ ወሐያት መቃትል ሰበትቱ ልባሰለ ጣህረት አርደቶም አልቡሶም” ትበህለው። ሽሂድ ዮሴፍ ክብርም ሕነ እት ነአንስሕብ እግል

ሽሂድ ሓምድ (ዋርሳይ) ግራነ ኢንሕድጉ” እንዴ ቤለ፡ እት መቅበረት ሹሀደ
ዐዲ ቀይሕ ትቀበረው። አላ!! ጀነት ተአትባርዶም ሰብለ ኢትትጠለም አማነት
ወመሕለ!! አናመ እለ ላሊ እለ ሰር ላሊ እት መዲነት ሰንዐፌ በጽሐነ። ደለ
እግሉ አቅመትኮ ህዬ ርቡብ እት እንቱ ትወለብኩው። አስክ ገጽ እብ ገጽ
ንትዋጅህ ህዬ ትም ደቀብኩ። ክልኤ እግርዬ ገይሰ ወልብዬ ሾሽር። ገሌ
አምሩ ወሰርመ እብ ረአየት ዕን ለአምረኒ ወአምሩ። ላኪን እብ ምን እግል
ትሰአል ወምን ምን እግል ትእዘም። ለሔሰ ሕርያን ምስል ደሚርክ ተቀም
ብሂል ልትፈደል እንዴ ትቤ ግያስ ትሐሬ። ሐድ አርበዕ ክፈል ዴሽ እት
አሕድ ሰበት ትሓበርነ፡ ለድዋር ክሉ እምበለ እገር ለኬን ወእንሰር
ለአምሆልል መለሀዩ ነቅም ላቱ ብዙሕ ኢትርኤ ወኢትሰምዕ። ስድፈት ምስል
ወድ ፈሲለትነ ለዐለ ዐ-ሰማን መ/ዐሊ ሰልማን (እስታቅፍር ላህ) ምስል ሐሁ
ትራከብነ። ህቱ እንዴ ኢልአንተብህ እግልዬ ረአየቼ ሰበት ሸፍገቱ፡ ለእግለ
ሻፍት ዐልኮ ምላየቼ እት ገጭ እንዴ ወዴኮህ ሐለፍ እቤሉ። ሚ ቱ ለሰበብ
ምንዲ ትብሎ፡ ዐ-ሰማን ምስል ሐውሁ ሰልአስ ቶም ለዐለው። አነ ትቀየርኮ
ወይእደልዩ ምንዲ እብል ህዬ፡ ካልእ ህግዩ ተአሰምዕ፡፡ ሰበት እለ ምንዲ
እትሐበዕ ልትፈደል ሰበት እቤቱ ለናዬ ሕርያን። ምን ሐ ዐ-ሰማን ሕድት
መሳፈት ሐቆ ጊስኮ፡ አዜመ ምስል ዐ-ሰማን ትዋጅህነ። ክሊነ ንትሐላለፍ
ሰበት ዐልነ ፍንጌ ፈርሐት ወድንጋጽ ሕኑያም እት ሕነ እት አድሕድ ህድም
ትበሀልነ። እት ክምሰል እለ ሐለት ህዬ ፍንጌ ክልኦት ሽዑር መክረሃም
ትትሐኔ። እንተ ወለ መልሀይክ እግል ኖስክም እብ ፍላን እግል ኢልትሰአለኒ
እት ትብል ምስል ልብክ ትሾሽር ወትትበአስ። አነ እንዴ ሸፈግኮ፡ “ዐ-ሰማን
ከረ ሓምድ መሐሙድ ህዬ!? እቤሉ እብ ክርን ኩርምት፡ ወሪጄ ዕድዕደት
ሓንቀቱ እት እንተ። “አይወ” ቤለ ዐ-ሰማን ከአስክለ ደብር ለቅብላትነ ዐለ
እምበሴረ ወሐቆ ክልኤ ሳምን እስትሸሃዱ ልትጸበር ለዐለ አትቃመተ ምንዬ።
አትቃማት በዐል ባድያይት ለምን ምውዓለ እድንግብት መስል ዐለ። አይወ፡
ላመ እቦም እትሰአል ዐልኮ እድንገባም ክምሰል ዐለው ግድም ኢበዴት
ምንዬ። ክሉ እብ ደሚርዬ ትፋቀድኩሁ ሰሓቆም ወአጥዐሚቶሆም! ሃጁኮም
ወደአሎም! ጠዐሞም ወምርም! እት ስድት ወረሀየት ወቅት ሰሓቅ ወሆርዩ
ወቅት እስትሸሃድ ወሐጠር ወፍርሰነት! አርድ ምን ሕሊል ሾመት ጨበ እቼ።
ሰብሓን አላህ! ትም ክምሰል ክልኤ እትፍየት ለሳልሰይተን አደንገበት። ክሊነ
እብ ደሚርነ በኬናሆም ወትፋቅድናሆም። እብሊ ኖስናመ ሚ እግል ኒዴ፡
ብካይ ፋርስ እብ ደሚርቱ። እግለ እግል ዶሉ ዋርሰትነ ለዐለት ሽዑር
ጭንቡወ ለፈንጌ ምኒነ ህዬ ዎርትነ እብ ህግዩ አፉሁ እግል ልፍተሕ ዐለት
እግሉ። ፈጅአተን ሽሂድ ዐ-ሰማን “ዐብደለ ሓምድ ወግርማይ ብስራት
ወአድም ኪነ ዮም ላሊ እት ነአንሰሕብ አስተሸሀደው። ህቶም ጀነት

ወርሐመት ለሀብም ወሕነ አስክ ነዐሮዮም ሰብር ልካፍለሃ” ቤለ ከእብ ሐዲስ ትም ቤለ ምንዬ። እብ ደሚርዬ እብ ረሐመት ትዲዔኮ እግሎም፡ ፡ ክልኤ ዕንቹ እግል ስርሓናሆም ፍራስ ምትዋይ ሰፈላል ከረየ። ገጽ ናይ ክለነ ምንዲ ትገንሕ አዋይነ እብ ሐት ሐቴሁ ትሸርሐ እግልከ። አዜመ ሸሂድ ዑስማን እንዴ ሸፍገ “መዐልም ውላድ ህዬ!? ትሰክለ። “ከረ ዑስማን መንሱረ፡ ወናስር ፈረጅ ወተክሊት ብርጌድ” ህቶም ምንዬ እት ዐይገ ፍንቱያም ዐለው። “ዑስማን ለሓለት ሐቴ ህሌት” እቤሉ እግል ኢልትአስፍ እቤ። አዜ መ/ዐሊ ሐክ እት ሌሀ አካን ከበቴኒ” እቤሉ።”እተየ? መዐልም” ትሰክለ ዑስማን። “እትለ ገራቢት ለአስክ ሰንዐፌ ሻበት” በለስኮ እቱ። “ከላስ እግል እድሪስ ሐዬ አዜ ራክቡ ዐልኮ። አዜ ናይ መ/ዐሊ ሹቁልዬ ሰበት ህለ እግል እርከቡቱ መዐልም። አስክ ንትርኤ እት ሰላመት” ትበሀልነ። ክምን አሕድ ትፈናቴነ። እለ ፍንቲት እለ ፍንቲት ሰብ ክልኦት ዳር እት እንተ ዐለት። ዕለት 10/06/2000 ሐርብ እምበሴረ ሰንዐፌ መጽአ። ህታመ እግል ዑስማን መ/ዐሊ ሰልማን ወሐሁ እድሪስ እንዴ ነስኦት አሰረ ሐልፊያ አምዒላት አጭርረገት። ክምሰሌሁመ እግል ሳልሳይ ሰልኦስ መልሂት አማን ለዐለው ካብቴን ዮሴፍ ክብሮም እንዴ ነስኦት ሐልፊት ህታመ። ሸሂድ ዑስማን ሰልማን ወሸሂድ ሓምድ መሐሙድ ዑመር ክልኢቶም ውላድ ገብገብ ቶም ወክልኢቶም እት ሐቴ ደውረት በህለተ 3ይት ደውረት ወጠን ክምሰል ውላድ ሐቴ ፈሲለት እት እንቶም አስክ ዕለት እስትሸሃዶም ጸንሐው። እሊ ክቱብ እሊ እግል እክተብ ለቀሰቤኒ ጋር ላኪን እት ወሬሕ 09/09/2022 ለበዲር ዐልኮ እቱ ክፈል ዴሽ 32 እብ ሸቅል እት መንደፈረ ትራከብነ። እብ ፍንቱይ ህዬ ለምሰልዬ ሐኪም ስርየት ለዐለ ወአዜ ቃእድ ክቲበት ለህለ አብረሃም ወድ ቀጢን ወቃእድ ፈሲለትነ ለዐለ ስዲድ አብራሂም። እግል አነ እብ ድህርት ቅድረቹ እሸራቅቁ ክቱባት ክምሰል ታብዐው። ወእብ ፍንቱይ ለእብ መሐመድ እድሪስ መሐመድ እት ክታብ (ዳግማይ መኮቴ) ለትከተበት ቅሰት ሸሂድ ዑስማን መ/ዐሊ ሰልማን ወሐሁ ሸሂድ እድሪስ መ/ዐሊ (ቦኸርን ሕሳስ ልደን) ብክር ወሕደጋት እዴ ለትብል። ወአነ ለዳገምኮህ እት ነቅፈ ካድር ጋይሳም እት እንቶም ክምሰል ቀርአው፡ እበ ሐቴ እብ ታሪክ ዑስማን ሰልማን እት ልትሐበኖ እግል ሸሂድ ሓምድ ዋርሳይ ህዬ፡ ዝያደት ሒለት እግል ተሀቡ ዐለት እከ እት ልብሎ ረአዮም ሀበውኒ። እብ ክሱስ ሓምድመ ሰበት ደግም ለቅሰት። አናመ ምስለ ሕድድት ቅድረቹ እት ክቱብ ዐፎ እንዴ እጠልብ፡ ቀደም እሊ እት ሰነት 2006 ምስል ወድ ፈሲለትነ ለዐለ ሰሕፊ አማኒኤል ተክሌ ስድፈ እት ደቀምሐሬ ክምሰል ትራከብነ፡ ዲብ ሳወ እት መሀረጃን ሸባባት ሓምድ (ዋርሳይ) ለልብል ክቱብ ክምሰል ከትበ ወፍንቱይ ከብቴ ክምሰል ረክበ እበ ደግመ እግልዬ፡ እብ ክሱሱ ህዬ አነ እብ ክቱብ

ብዙሕ መዕሉማት እግል ሀቡ ትሰክሉኑ። አናመ እብ ጅህቼ ግድም ቅድረቼ በለስኮ እቱ ወአክል አሕድ ከልፍየት ሓምድ መሐሙድ ዑመር ለለአምር እግል እርከብ አንገዋጌኮ። እንዴ ይእረከብ ህዩ ዐስር ሐል አዱርኮ። ሐቆ እለ ህዩ ሐቴ አምዕል ስድፈ እት አስመረ እት አነ ዝላም ዘልመት ወእግል አጽሂ ወእት ዎርት መዐስከር ጠዌኮ። ለእተ ቤት ጸንሔኒ ነፈር ምን ጠቢዐቼ እብ ዐዶታት ይእሰአል ላኪን እለ አምዕል እለ በሪ ለመጽአተኒ ነፍሼ እግል እሰአሉ አጅበረተኒ ወአናመ ትከበትኩወ። “ምን ልብሉከ? ወወድ አዩ አርድ እንተ? እቤሉ። እድሪስ አድም እትበሀል ወዐጄ አፍዐበት ቱ” ቤሌኒ። አነ እግል ሓምድ መሐሙድ ሐሁ ምዕባዩ እድሪስ አድም ክምሰል ልትበሀል አምር ሰበት ዐልኮ። ምግሳዩ እንዴ ቀየርኮ ሰኒ ትፋጠንኮሆ። ሐቴመ ትምስል ክምሰል አለቦም ትበየነ እግልዬ። ላኪን ኖሰ ለነፍስ ሰበት ተአስእል እንዴ ይእትረደድ ወድ አቡዬ መሐሙድ ወድዕመር እንተ እቤሉ ከአቅመትኮሁ። “አይወ” በልሰ እቼ። “እንተ ህዩ ምን ትትበሀል? ትሰክሉኒ ህቱመ። እግልዬ ኢተአምረኒ እቤሉ። ተበሰም ሐቆለ ወደ እግልዬ እንተ መልሀይ ሓምድ ሐዬ እግል ትግበእ ቱ መዐልም እንተ” ቤሌኒ። ስብሓን አላህ አነ ገሮብዬ ጋሻይ ሽዑር ወረዩ ምንዬ። እተ ዶልዬ ቅሰት ሐያት ሽሂድ ሓምድ መሐሙድ ወቅተ አዜ ተመ እቤ ወቀለምዬ ሀረስኮ። (ምን ሰኣል ዐስር ሐል ፈጅአት ሐቴ ዶል) አርእስ ሀብኩወ። እለ ቅሰት እለ እህትማም ሃይበ እት አነ። እሰልፍ እድሪስ አድም ለአነ ሐዝዩ መዕሉማት እብ ሸፋግ ይሀቤኒ ወሐርመ ምን ዮም እት ዮም እት ነክስ ህቱ እግል ኖሱ ለእቱ ዐለ ሸቅል እንዴ ሐድገዩ ጌሰ ወኢትረኤነ ሐቆሀ። እብለ ህዩ ቅሰት (ምን ሰኣል ዐስር ሐል ፈጅአት ሐቴ ዶል) በርህት ኢርኤት። አስከ እላመ ክምሰለ አነ ሐዝዩ ለዐልኮ ሐዙተ ኢነሰአት እብል።